

ርእሰ ኢሰያስ አፋወርቂ ምስል ወዚር ካርጅየት መስር ትዋጀህ



ሰልፊ ታላቅ አብርሃ

ርእሰ ኢሰያስ አፋወርቂ ዲብ ዮም 28 ፌብሩዋሪ አምሱይ ወዚር ካርጅየት ጀምሮው መስር ዶ/ር በድር ዐብደልዓጤ ዲብ ቃዕት ደንደን እንዴ ትክብተ ሀድገ ምስሉ።

ርእሰ ኢሰያስ ወዶ/ር በድር ዲብ ጠወርት ዕላቀት ክልኤ ለጀሁት ወዲብ ቀር አፍሪቀ ወበሐር ቀየሕ ዲብ ከሰሰ ቅደይ ሀድገው።

ዲብ ቅደይ መንጠቀት፡ ቅድየት ሱዳን እብ ሰላም ለትሰክብ እብ አብሳር፡ ዲብ ሶማሊ ብንዶት ደውለት እግል ትትክክድ፡ ዲብ ገብእ ካድም ወዲብ መንጠቀት ቀር አፍሪቀ ወበሐር ቀየሕ፡ ሰላም

ወአምን እግል ልትክክድ ለረከዘት ዐለት።

ወዚር ካርጅየት ጀምሮው መስር ዶ/ር በድር ዐብደልዓጤ እግል ኤሪና እት ሀበየ ሐብሬ፡ ለሀድግ አተላላይ ናይለ ዲብ ፍንጌ ሕክማት ኤረትርየ ወመስር ለትገብእ ጎማት ሕበር ክምቱ እንዴ ሐበረ፡ ዲብ አምን ወሰላም ቀር-አፍሪቀ ወበሐር ቀየሕ፡ እብ ናይ ሕበር ፈሀም እግል ልትክደም ለአመመት ክምተ አፍህመ።

እት ሀድግ፡ እብ ጀሁት ኤረትርየ ወዚር ካርጅየት አሰይድ ዐ-ሰማን ሳልሕ ሓድር ዐለ።

ምግብ፡ ሕርያን መስኡሊን እዳራት ደዋዬሕ ወመመቅረሐት ሸቅል ልተላሌ

እት አቅሊም ምግብ፡ ናይ 3 ሰነት ክድመቶም ለአትመመው መስኡሊን ዳሕያት፡ መመቅረሐት ሸቅል ወልጃን ደገጊት እግል ልትበደሉ፡ ምን ዮም 25 ፌብሩዋሪ እንዴ አንበተ እት ክለን ዳሕያት ሕርያን ገብእ ሀለ።

እት እዳራት አቅሊም ምግብ መስኡሊ ፈሬዕ መታበዕት መጃልስ ወመዳይን አሰይድ ሀብቱ ገብሬማርያም እግል ኤሪና እት ሀበየ ሐብሬ፡ ለበርናምጅ እብ ሰፋየት እግል ልትሰርገል ቀደም ክልኡት ወሬሕ አትፋዘየት ክም ገብእ እት ለአፍህም፡ እብ አሳሰለ ፈግረ በርናምጅ፡ አሰክ 23 ማርች እት 83 እዳራት ደዋዬሕ ክምስል ለአተላሌ ወደሐ።

ለለሐሩ ዓማርያም ምን 18 ሰነት ወለዐል፡ ለልትሐረው ህዩ ዋጅብ ወጠኖም ለአትመመው ወዓማርያም ምን 25 ሰነት ወለዐል እግል ልግበኦ ክምስል ወጅብ፡ ሸሩጣት ናይለ ሕርያን ወዴሕ።

ዕምር ሰልጠት መስኡሊን ዳሕያት እብ ከሰቡ ደርብ ሕድ እግል ሰልሰለስ ሰለሰ ዶል እብ ዓመት ሴዕ ሰነት እግል ልክደም ክም ቀድሮ፡ ዝያዳሁ ላኪን ቀዋኒን ወመምርሕ ሕርያን ክም ኢሰምሕ፡ እት ሸሩጣት ወደሕ ሀለ።

ለበርናምጅ ሕርያን እግል ልትዐውት፡ እዳራት አቅሊም ምግብ ለልኡትሐዜ ኣላት ክምስል ወጀደት ለሐበረ አሰይድ ሀብቱ፡ ሸዕብ ምን ሸዕር ድንገር ሕር እንዴ ገሕ፡ እብ

ፈዛዕት ለከዱሙ እዳርዩን እግል ልክሬ፡ ለልትሐረው ህዩ ደቅብ ናይለ ራፍዓመ ህለው መስኡልየት እንዴ ፈህመው፡ እብ ዋጅብ ወእብ በቃዕት እግል ልክደም መስኡት ትገብእ እቶም።

እት አቅሊም ምግብ፡ እት ሐልፈ ሰኒን እግል መስኡሊን እዳራት ደዋዬሕ እንዴ ተሐረው ምን ከድሞ ዐለው፡ ለ33 ምእታይት አንሳት ክም ዐለየ ወሳእቅ ናይለ አቅሊም ለአፍህም።



ባርንቶ፡ እት ተዕሊም ወዓፍየት ለረከዘት መሓደረት ተሀየበት

መሕበር ወጠን አዋልድ አንሳት አርትርየ ፈርዕ አቅሊም ጋሽ-በርከ ፈዛዕት አዋልድ እት ተዕሊም ወዓፍየት እግል ትትወቀል ለትሰዴ መሓደረት፡ ምን ዮም 26 አሰክ 28 ፌብሩዋሪ እት መዳርስ ሙዲርየት ባርንቶ ሀለ።

ለበርናምጅ እብ መዓወነት ነኩትብ ነሕበር ወጠን አዋልድ አንሳት አርትርየ እት አቅሊም ወሙዲርየት ለትዝመ ክምቱ ለሐበረት። መስኡሊት መሕበር እት ሙዲርየት ባርንቶ አሰይደ ኣለም ሀይሌሚካኤል፡ ተጃርቦም ለሓከው ሙደርሲን ወመኤምረት ዓፍየት ሐምዴ ቀደመት።

መስኡሊት ፈርዕ መሕበር ወጠን አዋልድ አንሳት አርትርየ አቅሊም ጋሽ-በርከ አሰይደ ይሕደጋ ዮውሃንስ እብ ተረተ፡ ለበርናምጅ አተላላይ ናይለ መቅደረት አዋልድ እት ክሉ መጃላት እግል ትትወቀል ወመጃገረተን እግል ትዕቤ ለልትዝም በርናምጅ ክምቱ እት ሸርሕ፡ እግል ዝያድ ፍገሪት ዶር ሱብ-ሸርከት እግል ሊዚድ ትፋኔት።

መሻርከት እት ደንጎቤ በቃዕት ሙደርሲን ለትትወቀል ተእሂል እግል ልትዝም፡ መደቃብ አዋልድ እት መጃል ርያደት እግል ልዕቤ አርደት እግል ትትኸለቅ፡ ክምስልሁመ በርናምጅ መትብረዕ ደም እት መዳርስ ዝያድ እግል ልትክደም እሉ ለልብል ኣራእ ቀደመው።

ሳምን ዓዳት ወርያደት ደረሰ እት ሀበሮ ወአሰማጥ ትዘከረት

እት አቅሊም ዐንሰብ- ምዴርያት ሀበሮ፡ አሰማጥ ወክረን ሳምን ደረሰ ገብኡት።

ምን ዮም 20 አሰክ 24 ፌብሩዋሪ እት ምዴርየት ሀበሮ እት ገብእ ዝያድ 800 ደረሳይ ለሻረከው እቱ ጅግራታት ርያደት ወዓዳት፡ ምን ናይ ደዓም ለትወቀለ ደሚር ጅግረ ክም ትረኦ እቱ፡ መመቅረሐቱ ሸርሐው።

እት ደንጎቤ እት እብ ሸክል

ጅግረ ለገብእ በራምጅ፡ ፍድብን ለአርአየ መዳርስ ወአፍራድ ደረሰ ጀዋእዝ ነሰኡው።

እት ምዴርየት አሰማጥ፡ ምን ዮም 21 አሰክ 23 ፌብሩዋሪ እት ገብኡት፡ ጽበጥ ርያደት ወፈን ለትሸምል ሳምን ሰቃፊት ደረሰ፡ መድረሰት ቦርዲን አሰማጥ እብ ጀምዕ እንዴ ተዐወተት ጃእዘት ነሰኡት።

እት መዲነት ከረንመ “ለሕሰት

ፍገሪት ምን ብቅዓም ደረሰ” እብ ትብል ሰቅራት ለገእ ጅግረ፡ እት ዮም 26 ፌብሩዋሪ ተመ።

ናይ ዮም ዓመት ሳምን ደረሳ፡ ምስል ናይ ደዓም ትትርኤ እት ህሉት፡ እብ መሻረከት ወጽበጥ ፍንቲት ክም ዐለት ተሐበረ።

ለጅግረ፡ ለትፈናተ አጅናስ ርያደት፡ ዓዳት ወፈን፡ ፍጥር ወሰናዕት፡ ጅግረ አምር-ዓም ወበዕድ ለዐለ ዲቡ ቱ



ሰልፊ ዕሳማ ዓብዱ

ርዕሰ ኢሳይያስ፡ መፈወድ ሽሑን ስያሱት ሰላም ወደምን እትሓድ አፍሪቀ ትልትከበት

ርዕሰ ኢሳይያስ አፍወቂ፡ እት ዮም 27 ፌብሩዋሪ አምሱይ መፈወድ ሽሑን ስያሱት፡ ሰላም ወደምን እትሓድ አፍሪቀ ባንኮሌ ኣደኣይ ዲብ ቃዕት ደንደን እንዴ ትከበተ ህድግ ምስሉ።

መፈወድ ባንኮሌ፡ እብ ሰበት ሰላም ወደምን አፍሪቀ ኣግደ ህዩ ተጠውራት ቀር አፍሪቀ እግል ልህድግ ኣስመረ ኣተ።

እት ክልኤ ሳዕት ለኣተላሌት ህድግ፡ ርዕሰ ኢሳይያስ፡ አፍሪቀ ከም ሰላምት ሐርብ ኣድሕድ እንዴ ኣተምሰልከ እግል ኣቅረቦት ወእግል ለኣትመቃረሕ ደግሽ ለተፈናተ ቅዋት ዲበ ቃረት ሰዱ ለሰረ ኣትባያእ እደይ ከም ኣርኣ፡ እትሓድ አፍሪቀ ህዩ እሊ ገበዩ ራትዕት እግል ልጽበዋ ለነሰኣዩ ምስዳር ከም ኣለቡ እንዴ ሸርሐ፡ ለኣግደ እግል ልግባእ ለብኡቱ ኣትመቃረሕት ሐርብ ወደግሽ እንዴ ኢጉብእ፡ በዲሩ እንዴ ኢመጽእ እግል ልትከራዕ ከዲም ከምቱ አፍህመ።

እትሓድ አፍሪቀ፡ እብ ሰበብ ሐዋኒት ተሸኪለቱ ወመትኣታይ ካርጅ፡ ምራድ ወሰኣዮብ

አፍሪቃም እት ኢለኣተምም ዲበ ደረጃት ክሩይ ክም ህለ ለሐበረ ርዕሰ ኢሳይያስ፡ እብሊ ሰበብ እሊ፡ ድወል ካርጅ መሳልሐን እግል ለኣክደ እግል መጽኣ እቡ ኣጃንዳት ሐባላክ ቅደይ “ኢትጉብእ” እግል ሊበል ዲበ ኢቀድር እት ደረጃት ክም በጽሐ እብ ተፋሊል ሸርሐ።

ኤረትርዮ፡ መንጠቀት ቀር አፍሪቀ፡ መዳንን ኒል፡ በሐር ቀዩሕ፡ ወድወል ከሊጅ ለብኡቱ ድዋራት ኣውለውየት እንዴ ሀበት ለትሻርክ እት መንጠቀት ክምተ፡ ለልትኤተን በራምጅ ዐማር ህዩ ደማነት ሰላም ወደምን ናይ እለ መንጠቀት ዲብ ሕሳብ ለኣተ ክምቱ ለሐበረ ርዕሰ ኢሳይያስ፡ ቀድየት ሶዳን ሐል እግል ትርኩቤ ሱዳንዩን ሰብ ቀድየቶም ናሶም እግል ልግብኦ ብኡቶም ለልብል መብዳእ ሳብት ክም ቤ ምናተ እለ መንጠቀት እግል ኢትሰከብ ቅዋት ካርጅ ለቀድየት እበ እንዴ ኣመስመሰዩ ለኣባልከ ክም ሀለዩ ኣብርሀ።

ቀድየት ሶማል እበ ከሰሰ ህዩ ርዕሰ ኢሳይያስ፡ ኤረትርዮ ሶማል ኣጠት እግል ትርኤ ወለትወጅብ



ሰላ. ኣክሊል ዘርኣዚ፤

ኣካን እግል ትጽበዋ ከም ተሐዘ፡ እሊ ህዩ እብ ፍዕል ከም ትከድም እቱ እንዴ ሐበረ፡ ሶማል ዲሸ ወጠኒ እግል ለህሌ እግል ወመኣሰሳት ወጠን እግል ትብኒ ዶረ ትቀድም ክም ህሌት አፍህመ።

መፈወድ ሽሑን ስያሱት፡ ሰላም ወደምን እትሓድ አፍሪቀ፡ ባንኮሌ ኣደኣይ፡ እግል ኤሪን እት ሀበዩ ሐበረ፡ ምስል ርዕሰ ኢሳይያስ ምን ወደዩ ዲብ መንጠቀት ቀር አፍሪቀ እብ ዓመት ቀድየት ሶማል ወሱዳን

ህዩ እብ ፍንቲት ለረከዘ ህድግ ክም ወደዉ፡ ወፊህም ፋዬሕ ክም ረከበው ሐበረ። እት ህድግ፡ እብ ጀህት ኤረትርዮ ወዘር ካርጅየት ኣሰይድ ዑስማን ሳልሕ ኣድር ዐለ።

ኣቅርዶት ወኣስመረ ሰማን ማርስ ለዐይደ



ውዛረት ዐመል ወመንገፎ እጅትማዕየት እብ መናሰበት 8 ማርስ- እድንያይት ኣምዕል ኣዋልድ ኣንሳት፡ እት ሄለል ማርስ እት ኣስመረ እሕትፋል ወዴት።

ዲበ እት ሐንቴ’ለ ውዛረት ለልትከምከም መሓብር ምስኩናም

ለሻረከው እት መናሰበት፡ ምስኩናት ኣዋልድ ኣንሳት ለሳድፈን መታክል እንዴ ጋበህዩ እብ ከፎ መናበረተን ሳይረ፡ ለነሰኣሁ ምስዳራት ወፍገራቱ፡ እብ ዓመት ህዩ ጅህድ ወመትሰባል ኣንሳት ለሸርሕ ጽበዋ ፈን፡ ክምስልሁመ



እብ ኣዋልድ ኣንሳት ኣንፋር ወጠንያይ መሓብር ሕጃዓም ወጸማይም ለትዳለ ወራታት ፈን እግል ዕፌ ትቀደመ።

ርዕሰት ፈሬዕ መሕበር ወጠን ኣዋልድ ኣንሳት እት ውዛረት ሻበት ሊድያ ተኪኤ እት ኣስመዐተ ከሊመት፡ ሕቁቅ ወመሳዋት ኤረትርዮት እብ ንዳል መሪር ወእስትሸሃድ ለትኣከደ፡ እብ ሐሸዋት ስያደት ለደምቀ፡ ወእብ መሻረከት ዛይደት እት ብናእ ወጠን ለትሰርገ ክምቱ ሸርሐት። መታክል እት ኣብካት በድለ እግል ሀለዩ ኣንሳት ህዩ ሐመደት።

እት መናሰበት፡ ወዘረት ዐመል ወመንገፎ እጅትማዕየት ኣሰይደ ልኡል ገብረኣብ፡ ወካይል መኣሰሳት መካመት መጅልስ ቅራን እት ኤረትርዮ ውብዕዳም ጋሽ ኣድራም ዐለው።

እሊ ክእነ እት እንቱ፡ ኣንፋር ማ.ወ.ኣ.ኣ.ኤ. ፈሬዕ ውዛረት ዐመል ወራዓየት እጅትማዕየት፡ እት ዮም 28 ፌብሩዋሪ እት መድረሰት ኣብርሃ በህታ ኬወ ሸቲል ወደዩ። ወዘረት ልኡል ገብረኣብ ህዩ ዶር

ኤረትርዮት ኣዋልድ ኣንሳት እት ወጠንያይ ንዳል ለከሰስ ሰሚናር ሀበት።

እብ ብዕድ እንክር፡ እት ሙዴርየት ኣቁርደት፡ እብ መናሰበት 8 ማርስ እድንያይት ኣምዕል ኣዋልድ ኣንሳት እት ዮም 26 ፌብሩዋሪ ዲብ ኣቅርዶት ለትፈናተ በራምጅ ትሰርገለ።

ስክርቴረትለ መሕበር እት ሙዴርየት ኣሰይደ ሐሲነ ዑመር እት ሀበተ ሐብራ፡ ኣዋልድ ለኣመመ ወእበን ለትመቃረሐ በራምጅ ጅግረ ኣምር ዓም፡ ክምስልሁመ ነዳፈት ድዋር ወኣትፋዘየት ክም ገኣ ወደሐት። ክም ክፋል ናይለ በራምጅ፡

እግል ኣንሳት ሸቃለ ሕኩመት ወደረሰ ካልኣይት ደረጃት፡ ዶር ኣዋልድ እት ንዳል ተሕረር ወሐቀ ሕርየት፡ ክምስልሁመ ሄራር ተዕሊም ወበራምጅ ዐማር እብ መጅብ መሻረከት ኣዋልድ ለታይን ህድግ ክምስል ትካዘመ፡ ኣሰይደ ሐሲነ እብተውሳክ ሐበረት።

እት መናሰበት፡ ኣዋልድ እብ ንዳለን ለኣከደያሁ መሳዋት ወሕኩመት ለከሰተቱ እለን ኣብካት እንዴ ትነፈዐየ፡ እብ ምህናት ወዕልም እት ልጠወረ ወእት ወጠንያይ በራምጅ መሻረከት ዛይደት ለኣገደዩ ክምስል ሀለዩ፡ እብ መሰል ለትተለ እብ ገዳይም ሙናድሊን ክምስል ትቀደመ፡ ወኪል ኤሪን ወደሐ።

ኣፈትርዮ፡ መጽሓፍ

ክል ኣርቡዕ ለትጠ’በዕ ጀሪደት

መዳልያይ፡

- መሐመድ እድሪስ

ሊዩኣውት ወኣርተየት

* ዘህረ ዐለ

* ፋዋኝ ኣድም

ተለፎን፡ 121797/07121322

ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡

ተለፎን፡163471-07588045

ኣትኣመርት፡

ተለፎን፡ 125013፡ ዕ.ሰ.ቡ፡ 1284

ዐንሰብ፡ ፍጥር ወቅራኣት እግል ልትናየት ረኣይ ልትህዩብ

ዲብ ኣቅሊም ዐንሰብ፡ “ ኣንድየት ቅራኣት ወፍጥር ነኣደቅብ” እበ ትብል ስቅራት ዲብ ዮም 27 ፌብሩዋሪ ዲብ መዲነት ከረን ዲበ ትከሰተ ዕፌ ኣክትብት ወፍጥር”፡ እት ፍጥር ወስናዐት ትትርኤ ለህሌት በቃዐት እበ ትውቀሰት እንዴ ተሐንፈለት፡ ዲብ መንፈዐት ሙጅተማዕ እግል ትውዐል እግል ልትከደም፡ ሃይበት ረኣይ ኣትፋቀደው።

ለቅዱም ህለ እብ ደረሰ ወሸቃለ ሕኩመት እብ ኣፍራድ ለትዳለ ፍጥር ለከምክም ዕፌ፡ ኣስክ ዮም 2 ማርስ እግል ሸዑብ ክሰት ዐለ።

ለዕፌ፡ ለረኣ ኣክም ኣቅሊም ዐንሰብ ሰፊር ዐብደለ ሙሰ ፡ ፍድብ ወተጃርብ ለለኣልፍ በክት ሰበት ቱ፡ ለሸባብ ዲብ ሐቱ ኣካን እንዴ ትከምከመው ወራታቶም ለጠውሮ እት ኣርድየት እግል ትጥፋሕ ምስል ክሰሰን ጅሃት ልትከደም ክም ህለ ወድሐ።

ዲብ ኣቅሊም ዐንሰብ ጅግረ ፍጥር ወስናዐት እግል ካልኣይት ኢነት፡ ሳምን ኣክትብት ህዩ እግል 5ይት ኢነት ክም ገብኣ ልትኣመር።

6^ይ ክፈል

ካልኦ ነፃር ዕለት 04/06/1998 ለአት ክል ፈጅር እግል ረአየት ወልደ ተአገዌሕ ወተአመሴ እትነ ለዐለት እም መርሃዊ እስልፍ ማጽአት ህሌኮ እንዴ ትቤ፡ ምን ፎርቶ እት ወልደ ለአከት። ሐር ጽንሕ እንዴ ወዴት ህዬ፡ እት ሰርሐ እንዴ ቀርበት እብ ፍንቱይ እት መርሃዊ ወሐቆ ኢትቀደረ መልህያሙ ለዐልኩ፡ እት ክሊን ጀዋባት መጽኤኩ፡ “አነ እም መርሃዊ አነ ምጽኡኒ” ተ ትብል ለዐለት። ክሊን ለእብ ሰብ መርሃዊ ምስል እሙ ተአመርኩ፡ እብ አከይ ብሶትነ ምስል በክትነ ትበአሰኩ። አግጽትነ ትረበበ ወጭግርነ ትካረቤ። ምነ ምስሉ ልትዐገሎ ለዐለው እተ ዐለት አማን እት ጢሾ አማን እንዴ ተዐገለው ምስሉ ለአስተሸህደው ምኖም እንዴ ትፈደለ ኢኮን ዐፍወን ሳምሐኒ። ላኪን ምን ምግብ ክሊን ለእሙ እግል ሐቲ ደቂቀ ለኢትትፈንተዩ ምን ገብአ ካልኦ ግብእ ጋብአት እግልነ ዐለት። እግለ እግሉ ፈንቱት ምኒን ጠልገት መርገም ግቡእ ትበጽሐ ምንዲ ትገብእ ትረገመት። ወእግለ ዝናድለ መንዱቅ ለጨቅጠት ጭብፅ ዐስከሪ አባይ እብ ክልኦት ዕጽፍ እብ መራግም ትረጅመት። አድብር ምን መራግም አውደቅነ እተ።

ላመ ሰብ ለእም መርሃዊ ምልዐል ክለን እማትነ ለትአምሆልል ወትአውሀሌ እቡ ለዐለት ክምእኒ ቱ ለልትዳገም ትብል ህተ ኖሰ። ልትዘከረኒ እት ሰነት 1975 ቱ ለዐለ። እዋን ሰኒ መክሩህ ወመአበይ። አምፅላይ ድራር ኦዳም ትረከበ ምንገብእ ሐቆ ግድሉ። እት ሰሕል ወአውለት፡ ሰድት ወመሐገዝ ምስል ውላድ ወልዶም እትለ ዐድነ ለአግፈፈው እቱ ወክድ ቱ። “አድቦ ረዩም ለአምሴ ለእዋን ለሀይ ወለ ሐክመቱ ለዐለው” እተ ወቅት ለሀይ፡ አነ እብሊ አዜ እግል መርኢቱ ተሐት ወለዐል አንገጌ ለህሌኮ፡ መርሃዊ ወልዬ ዐምሳት እዋነ ታምም ዮም ወፈጅር ትብል ዐልኩ። ሰድፈት እት ሐይ አባሻውል ፍዳእዩን እብ ትሉሉይ መጽኤነ ዐለው። አነ እበ ሓለቶም ሰበት ትሻቀልኩ፡ ክእኒ እቤሉም፡ “እንትም አሰክ ሚ ዶል ቱ እት ሓለት ክርበት ወጅርሰት እግል ትንበር ለትፈረድክም? ዕርፍ አሉብክም ወራሐት። ማል ኢኮን ወሰኔት መንበረት። እለ ሓለትክም ውላድ ሰኮብ ላሊ ከለአተኒ፡ እምክም ጋረ! ትዐበትክም ለኢፌኤት አሰክ ሚ ዶል ቱ ገብእ”? እት እብል እበ እግል ሽዑርይ ዳርክ ለዐለ ሽዑር ረሐመት እም ዋልዳይት ትሰአልክምም። ‘ህቶም’ ትብል ህተ፡ “እስልፍ እተ ህግያይ ትሰሐቀው ወትዐጀበው ወአድሕድ ገንሐው እብ እንተ ብለሰ እተ። ሐር እግል ክሎም ለመርሕ እብ ክእኒ በልሰ እቲ፡ “ይመ እለ እግለ ትርኢ ዐድነ ኤረትርዩ፡ ሕነ ኢኮን እለ ለአሰክ እለ በርህት ጸሓይ ለኢረኤት ዐልቅት፡ (ሕነት) እት ከብድኪ

ምን ሰኣል ዐስር ሐል፡ ፈጅኦት ሐቲ ዶል

ለህሌት እት ጀላብ እለ አርደት እግል ተአስተሸህድ እግላቱ። ሕነ ላቱ እት ወቅት ሰድተ ወክርበተ ተዐንደቅነ እግለ ወእግል ግድለ ሰይፍ ሞት ወቅታል ትማጤኩ፡ ፡ ላመ ራሐት ወለሰኔት መናበረት እግለ አሰርነ መጽእ ለሀለ አግማምነ ነኦትራትዐ ወነኦትሳገዩ ህሌኩ። ሕነ ሰዶደት እለ ወጠን እግል ነኦመርዴ መስኡልየት ራፍዓም እግለ ህሌነ” ቤለውኒ።

እበ እድሆም አሰክለ እት ክብጃ ለዐለት ሕነት እት ለአሸር እግልዬ፡ ዐጃይብ! ቱ ውላጃ! አነ ምነ ዶል ለመርሃዊ ወልዬ ለእግለ ትወለደ እበ መብሀለ ፍዳእዩን ክምስል ኢናዬ ጋንሐቱ ዐልኩ። አሰክ ሳዋመ እት ገይሰ ለአቀብለኒ እንዴ እቤ ጽብርቱ የዐልኩ። ላኪን በክቺ ሰነ ወበክቱ ከምን ለሃዲ አቅበሊኒ። አዜ ላኪን ለወድ ሚን አደመ ለንሳሉ እምበል ሕክመት ናይ ረቢ ሰበት ኢነዋቅ፡ ለእግለ ቤለውኒ ጋብአት ህሌት መሰለኒ። አዜ በደል ለኢቀብረ ኢጸብረ እገብእ እግል እጽበር አሰኦኡኒ” ትቤ ክእት ካልድ አልአሚን ዐብደልሊጢፍ በዲር ሰበት ልትአመር አሰኩ ትወለበት።

ህተ እግል እለ ቅሶት እለ እት ትዳግም ክል ምኒን ከእብ ደሚሩ እግል መርሃዊ ትፋቀድ። ለጀፊት ጃርየት ሰበት ዐለት ወአማንመ ወቅተ ኢተመ፡ እምበል መርሃዊ ትቀየረ ምኒን ካልኦ ለእንብለ የዐለት እግልነ። እት ገጽነ ህዬ ለገብኦ ልግበእ እግለ ለለኦትሸክክ ሽዑር እግል ኢነኦርኤ ንትደገግ ዐልኩ። ክእናመ ምን ወዴነ እም መርሃዊ ለአማን ደሚረ እሰኡላተ ዐለ። ክል ምኒን ምነ በዲር ነኦምራ፡ መልሂት መርሃዊ ክሉላመ እት ሕኩ አክለ ህተ “ወልዬ ይህለ። እሙ ፍዝሁ ትግበእ። በዲርይ አምረተ ዐልኩ፡ አዩ መርሃዊቱ ዮመቱ ምልዐል ምድር እት እንቱ ልትሐበዕ?” አክለ ትቤ እትበኬ ወትሓኬ፡ ሕናመ እግል ነኦትባድዩ ምነ ለመክሩህ ሽዑር እቡ ሓሳም እት ሕኩ፡ “ትፍ ቤሉ። አባይ መርሃዊ። ህቱመ ዐመሉ እት ከፍዩ። አባዩ ወኢፈታዩ፡ ሾከት ገበዩ ተአወልዋ ምኩ። ትትዋጅሆ ትገብኡ።” እት እንብል ነኦትሳጅዐ ዐልኩ።

ሓምድ ቀይሕ ላኪን እምበል ከብጃ እት አባዩ አብርድ ካልኦ የዐለት እግሉ። ሓለት ድፈዕ ጥዕም አለበ ምነ ምስሉም ትሰሐቅ ወትትልሄ ለዐልክ ትፈንቱኩ። ከእንተ ወህቶም እት ሐቲ ኢነት እት ክልኦት ዳር ትትማዩው። እስትሸሃድ መርሃዊ ጸጋይ ሰልፍ ውላድ ፈሲለትነ ሰበት ዐለ ክመ ወልደት እሙ ምንመ ይእንበክዩ፡ እብ ደሚርነ በኬናህ። ሓምድ እብ ፍንቱይ ምልዐል ክሊን በከዩ ወእብ ደሚሩ እብ አስትሸሃዱ ገህ ወሐዝን። እት ደንጎበ እብ ክምስል እለ መብሀል አትሳጅዳኒ። “ትሰምዖ ህሌክም ውላድ፡ ምን ሸፍርነ እት ንትበገሰ እስትሸሃድ ክምስል

ህለ ክሊን አምራም እት ሕናቱ ትበገሰኩ። መርሃዊ ሰልፍ ሰበት አስትሸህዳቱ ለእበ ክሊን ንትረብብ እቱ ለህሌነ ወአናብፅነ ጀለም ወዴ፡ እንዴ ኢኮን ለሀይ ከአሰር ለሐልፈ እግል ንሕለፍ ቱ። በሰ ሽቅየት ታሪክ እግል ንግበእ ብኩ። ታሪክ ህዬ ሽቅያይ ታሪክ ሸቅዩ እንዴ ኢኮን ኖሱ ርሐ ኢሸቱ። ኢሙር ኢኮን ለተርፈ ህዬ፡ እግለ አስተሸህደ ታሪኩ ልድገሙ። ታሪክ ፋርስ ወለ ሸቀዩ ታሪክ እት ጀላብ እለ ጣህረት ትርበት እግል ልድገሙ መስኡልየት ልርፈዕ። ህተ ኢኮን ውላድ”? ቤለ ከእግል መባልሰነ ልሰመዕ አሰክነ ገንሕ፡ ግንሐት ሚ ልብሎ ለተአሸር እቅማተት አትቃመቱኩ። ሕናመ ለአመቱ እንዴ ይእንወዴ ለአቴናሁ ሐርብ እግሉ እንዴ ኢንትነሸግ፡ ግድም ሐቆ አቴናሁ ነኦስተሸህድ



ሸሃድ ሓምድ መሕሙድ ዑመር

ወነህሌ እግለ ለለሐብን ታሪክ ንሸቁ ምስል አርወሐትነ ገለድ በይኡነ። ገለድነ ህዬ ለእቱ ፍሩራም ለህሌነ ዳይ ዐቂብ ሰዶደት ክምስል ሓምድ ቀይሕ ቤለየ ታሪክ ፍርሰነት እግል ንሸቁ ቱ ለዐለ።

ሓምድ መሕሙድ ምኒን ኢለዐቤ ወእብ ድራሰት ኢለሐልፈነ ላኪን ዝያደት ክሊን ላብብ ውሓዋር ቱ ለዐለ። ክምስለ አበው ልቡለ “ሰብ ተብዕን ወእንሰ ዐረድ አሕድ ቶም” ለምሳለታተ። ለእቱ ሻፋም ለዐልነ ድፈዕ ዛልኦንበሰ እብ ዐቢ ወንኦሽ እት ምሴ ወፈጅር ሐዞቱ ነሰአየ ምኒን። አቅለለ ወእክበደ፡ አውሐደ ወኦብዝሐ ክሎም ፍራሰ አሰር አድሕድ አሰክለ ሳልፍ ገበልነ ላቱ እስትሸሃድ ትጎረተው። ላመ መራረተ እስትሸሃድ ወከባደተ ሓለትለ ድፈዕ፡ መሕበር አውኪር አዋዐመዩ እግልኩ። አዜ እንዴ ትቀብር ጸንሐኩ፡ ከአሰክ ዶረትክ ተምም ትትሰሐቅ ወትትልሄ፡ ወትዳግም። አይወ! ተአዋዕም ወተአመርር፡ ለከብደት ምንዲ ትከብድ ህዬ፡ ምስል ሸበት ክምስል ቀላልተ ለትትርኤኩ። እት ክምስል እለ ተየልል እት ሕነ እት

ወሬሕ 07/1998 እስትሸሃድ ምርት አብ ክሉ አዕዳኦ ከቲበትነ ወሰብ አምሩ ፍቱይ ወዕጉል ላቱ ሚርሓይ ሰርየት ካፕቱን ዑሰማን ጀሃር እት ሰለየ ሳደፈ። ህቱመ እብ ፍንቱይ እት ሳልሳይት ሰርየት ወእብ ዓም እት ክሉ ለድፈዕ፡ ወለመሰሉ ቀዳሚት ተየልል ፍርሰነት ወሐጠር እት ሳሕል ለሐልፈው ገዳይም መናድሊን እብ ታሪኩ እት ልትሐበኖ ህቱ ምን ትፈንተዮም ክሎም ገሀው፡ ፡ ላመ ካልኦ ግሞም ወርሳይ ውላድ ሳወ ሰኒ ግኒ ወሐዝን። ቀደሙ እስትሸህዳም ለዐለው መሳኒቱ ወመታሊቱ ቀዳምያም ብዝሓም ቶም። እት ዕለት 03/06/1998 ፍሰሃዩ ጨሚት መድፈዐጂ ብሬን፡ ሳልሕ ዳኒ መድፈዐጂ ኣርበጂ፡ ተኪኤ ሐኪም ሰርየትነ፡ ተሌንቱ አንገሶም ቃእድ ፈሲለት ወብዕዳም።

አቦኻ ሞት ግደኻ እያ” ትብል። ሐቆ ሞት አቡኩ ሞት ተረትካተ” ለትብል ቱ። ሕናመ ሐቆለ ፍራሰ ለሕሻል ሕርየት እንዴ መርሐ ወዋሉ ለመጸአውኩ ለዶር እትነ ባጽሕ ክምስል ህለ ምን ደሚርነ ላቱ እውሉዋ ኢለአምር። አክል አሕድ አሰክ መቅጠነ ወፍክርነ እግል ርፍዐት ጸር ልትላመድ ወበሸል፡ ላኪን እግል ንተአራተብ ወንትረብብመ ለኢትትጸበሩ ኢኮን።

ሓምድ ቀይሕ ላኪን ክምስለ መናድሊን ለእት ሳሕል ትሰሐለው፡ ትመክረው ወትጃሪዎም ዓበው ነፍሱ ብርእ እንዴ ኢትወዴ “አብሸርክም! እስትሸሃድ!! ማሌ እግል ፍቴሕ ሕርየት፡ ወእስትሸሃድ ዮም እግል ዐቂብ ሰዶደት ቱ! ዐውሉ እሎም እትሊ ድፈዕ ለህሌነ ሸባባት ወመንደሊታት ሕኩ። ለሐረ ምኒን ወለትቀደመ” ሐቆለ ቤሌነ ድሸቅ እንወዴ ዐልኩ። አነ ህዬ ምስል ደሚርይ እት መክሐደ አቱ ዐልኩ። “ህቱ እለ ሓምድ መሐሙድ እለ ሳሕል እብ በኩ ትወለደ እቱ ወለ ለሕነ ለትወለድነ እቱ ሳሕል ኢኮን” እብል ዐልኩ። እለ ለአበሌኒ ህዬ፡ ዝያድለ ዐበ ምኒን ወለንኦሽ ለውዳዩ ወለ ብህሉ ምለዐል ክሊን ዛይደት እዴ ዐለት እግሉ። እብ መዐነውየት ምን ገብእ ወወቀይ።

ክል ምርት ምኒን እበ እግል ብቅትነ ወብቅት ገበልነ ወሀውየትነ ለመጽኦ ወራር እት ልትፋጀእ፡ ሓምድ (ቀይሕ) ላኪን “ለወቅት አዜቱ እግል እዴነ እት ዌረት ወዜምተት ነኦብርድ” እት ልብል ቱ፡ ፍክሩ ወሕሳቡ እንዴ አትዳለ ክልኤ እዴሁ እግል ጋብሆቶም ሹመኩት ለዐለት። ግድም ክምስለ ክል መጀነድ ወድየ መትሰሓል ወመትዳላይ ነፍሰ ቀደም ሰለሕ አርወሐትክ አትዳላይ ምን ምርት ተውጅህ እንዴ ኢልትጸበር ለለኦትሐምድ መዳሊት እት ወዴ ትረኡ። ክፋፋ ልግበእ ወክፋፍ ክል ምርት እብ ፍንቱይ ብስር እተ እቱ ዐልነ ጀብሃት ሰሚት ሓምድ (ቀይሕ) ክል ምርት ረፍዐየ ወሀድገ እበ።

ተየልል ወያኔ ምን ዮም እት ዮም እት ልደቀብ ወልትመክረህ ቱ መጽእ ለዐለ። እት ክሉ ለጀብሃት ህዬ ለሐዳይሰ መጀነዲን (ዋርሳይ) እግለ ምስለ መቃትሊን መጽኦ ዓደት ሰሙድ ወሐጠር ወፍርሰነት፡ እብ ርኡይ ወመዐነውያይ ተሰሌሕ እንወርሱ ዐልኩ። ውርሰ አግማም እት ወዴ ወምን ዮም ወፈጅር እት ልትወረሰ ገይሰ ዐለ። ክል ምርትክ እግለ ምስሉ ለትደረብ ወድ ድፍዐቱ ልግበእ ወለ ታሪክ ለአወርሱ ለዐለ ገዲም መናድል ምኩ ወለዐል እግል ልግበእ እት ትሉሉይ መትሰለሐት ፍክር ወነፍሰ ገብኡ። እግል ነፍሰክ አደቀቦት ሰልፋይ ዳይ ክል ሐዲሰ ዋርሳይ ቱ ለዐለ። እለ እግል ሓምድ ቀይሕ እት ሳወ አሌፍ እት እንብል ህቱ ምን ኬኑ እድውሩ ዐለ።

ትተላሌ.....

ምዴርየት ግንደቦ፡ ዲብ ለሐሰ ሄራር ከደማት እጅትማዕየት

ሰወር፡ እብ ክብርም ጸሃዩ

እትለ ናይ ዮም ጥብባትን ሰሐራ ኣድም ሳልሕ ኣብሐረሽ ወጀማዕቱ ከደማት እጅትማዕየት ምዴርየት ግንደቦ ለታይን፡ ምስል ኣሰይድ ዑመር ሐጂ ያሕየ ሙዲር ምዴርየት ግንደቦ ለወደወ መቃብለት እዳልያም እግልኩም ህሌኑ፡ ቅራኣት በኪተት፡

ሰኣል፡ ዕመማይት ሐብሬ እብ ክሰብ ምዴርየት ግንደቦ እግል ተህብ?

በሊሴ ምዴርየት ግንደቦ ምስል ኣቅሊም ግብረት፡ ኣቅሊም ምግብ ወኣቅሊም ዐንሰብ እብ ምፍጋር ጸሓይ ህዩ ምስል ምዴርየት ባጸዕ ወፊር ትትሓደድ። 17 ዳሕያት ትክምክም። ምን ሰለስ ቆምየት(ትግሬ፡ ትግርኛ ወሳሆ) ዝያድ 14 ኣልፍ ዓይላት ነብራሁ። እብ ኣፍራድ ህዩ ሐድ 60 ኣልፍ ሽዑብ ህለ ዲቤ። እለ ምዴርየት እብ ጂኦግራፍየት ክልኤ ከረም ምስል ኣውለት ወቀላቅል ለትረክብ ምዴርየት ተ። እለ ህዩ ለምስል ኣውለት ረክብ ባካት ምን መሓባር ኣሰክ እምባትካላት ለህላቱ። ክምስልሁመ ኣሰክ ናላይ ለህለ ሕዳድ ቅብለታይ በሕሪ ወክረ ሽባሕ ለህለ ድዋራት ክልኤ ዝላም ለረከብቲ። እለን ክልኤ ሓላት ጀው ሰካንላ ምዴርየት ለትፈናተ ኣክረኣት እግል ልዝርኣ ሰድያሆም። ህቲ ህዩ ለዲብ ቀላቅል ህለ ምን ኣውለት ለልትከሬ ወሓይዝ እብ ጀሪፍ ለሰላቲ። ምስል መካሪት ምድር እንዴ ከርብ ለጌላ ኢጉብእ ምንጉበእ፡ እተይ-ሐርሰ ሰኢ ልትረክብ ምን። እምስልሁመ፡ እለ ምዴርየት ዐባዩ ኮንፔሰቲታት-ጀራዲን ለህለ ዲብ ምዴርየት ተ። እለ ህዩ፡ ዲብ ባካት መሓባር ወለዐይተን፡ ምን መዲነት ግንደቦ ኣሰክ ጸረት ለገይሰ መሓዝ ኣትክምም፡ ክምስልሁመ ዝያድ 50 ኣልፍ ዕጩ እብ ሽቲል ዝፋእ ዲቡ ለህለ ጃርዲን መሕሙድ ረመዳንመ ዲብ እለ ምዴርየት ህለ። ምስል ርሕብ ናይ እለ ምዴርየት ለህለ ዝያድ 107 ኣልፍ ሄክታር ለጉብእ ምድር ቅቲር (ሕዘብ)፡ ቃባት ሰማናዊ በሕሪ ኣሰክ ደብር ቢዝን ቀበት እለ ምዴርየት ለልኣቲ፡ ወዲብ ሓላት ሰኢት ለህላቲ።

ሰኣል፡ ምስል እለ ምድር-ቀተሪ ገሌ ምድር ቀሪም እተ ገልዋት ለኣተ ምናም ሐረሰቶት ህለው፡ እለ ከኣፎ ልትርኤ?

በሊሴ ሕሩም ሕዝባት ምን ሰነት 1994 ለኣንባቲ፡ ክልኤ ወክድ ትሸቃቡ ወክልኤ ወክድ ፈርሱ፡ ዲብ ኣክር ምን ሰነት 2016 እብ ደረጀት ወጠን ልጅነት ምን ምዴርየት ወኣቅሊም ኣንፋር ለብእተ ተኣሰሰት፡ እለ ለጅነት እሰዉቲ ለሕዳድ እብ ዋዴሕ



ልትሐረሰ ለህለ ወለኢልትሐረሰ ሰፊቱ። እብሊ ገሌ ኮንፔሰቲታት ዲብ ቅቲር ሕዘብ ወገሌ ዳርቃታት ልትሐረሰ ለዐለ ዲብ ቀተረ ለኣተ ምናም ህለ። እለ ህዩ ናይ ዐንሰብ ምን ገላብ ለዐለው እቶም፡ ወምን ኣቅሊም ግብረት ምናም ለምድር ቀሪም እንዴ ከሰኣቲ እግል ሰካን ናይ እለ ምዴርየት ክም ልትህዩብ ገብኤ። ምናተ እትለ ወክድ ጎነ ሽዑብ ናይላ ባካት ንዋዩ ዲብ ሕዘብ እት ለኣቲ ወቃትን ለከይድ ዋርዋር ኢልትሐዝሎ። ሰበት እለ፡ ለንዋይ ምን ቀበተ ሕዝቦት እግል ልፍገር እብ በዐል ሰልጠት ዕጩ ወሐዋን ከደን ሰበት ትቀረረ። ምስል ከረም ሰኢት እተ ቀበት ገልዋት ለዐለ ምድር-ቀሪም እብ ሐት ሐቲ ጽምድ እግል ልትሐረሰ ቅፋር ህለ። እት ምናዕ ቀተሪ ለኣተ ምድር ህዩ ዲብ ሕዝቦት እንዴ ተሐሰብ ወለነፊር ክም ኢተምትሙ ጋብእ ህለ።

ሰኣል፡ ምን ከደማት እጅትማዕየት እብ ግይ እግል ነኣንብብ?

በሊሴ ግይ እብ ፍንቲይ ዲብ ባካት ግንደቦ እብ ድራል ለትሐረረ ዐወሊ ሰበት ህለ። እለ ሽዑብ ክል-ኦር ዲብ ቤቱ እብ መዋሲር ክም ሰቲ ጋብእ ህለ። ረዩም ለህለ ደገጊት ህዩ እብ

ወኣሰክ ገሕቲላይመ ድራላት ሰበት ህለ፡ መሕዝዝ ኢህለ። ሽባሕ፡ መትከል-ኣቤት ወዐድ-ሹመ ህዩ ነኣይሽ ሶላራት ሰበት ህለ እሎም፡ ህቲ ከርብ ምንጉበእ ጽምእ-ማይ ትሓድፍ። ግይ ለኣለቡ ደገጊት ህዩ እብ ፍንቲይ መትከል-ኣቤት ወደንገሎ፡ ደማሰ ወፍሽይ ምራረ ዲብ ሰነት 2025



ጭድቅ ምን ወጠንያይት ሕዝቦት

እብ ውሳኒት ግይ ወደዋር ሐል እግል ልግበእ እግልን ክም በርናምጅ ጽብጥ ህለ።

ሰኣል፡ ተዕሊም እትለ ምዴርየት ሚ መሰል?

በሊሴ እትለ ምዴርየት 36 መድረሰት ህለዩ። ምን ረውደት ኣሰክ



ክሊኒክ እት መራዕት እም ወጅናህ

ቦጥ ሰቲ ህለ። ሰበት እለ፡ መሕዝዝ ግይ ዲብ ግንደቦ ዋጅህ ህለ እግል ልትብህል ኢልትቀደር። ዲብ ልዐይተን፡ መሓብር ወንፋሲት ከጥ ግይ ሽቁይ ወዐባዩ ታንክራትመ ወቱድ ህለ። ምን ግንደቦ ኣሰክ መሓባር መሓዝ ግይ ብዞሕ ይህለ። ምን ግንደቦ ደንጎሎ

2ይት ደረጀት ከምክመ። ሐድ 13 ኣልፍ ደረሳይ እንዴ ትክብተዩ ህዩ ለኣደርሰ ህለዩ። ዝያድ ተዕቢኣት እግል ልግበእ እቲ ለልኣትሐኪ መሻረከት ኣዋልድ ኣንሳት ለከሰሰቲ። ምህር ኣዋልድ ዲብ ረውዳት ወመኣንብታይት ደረጀት እብ ኣላፍ መጽኢ፡ ለተርፍ ኣለበን። 7ይ ወይ 8ይ ፊሰል ክም በጽሐዩ ምስል ሪም ምድር ናይ 2ይ ደረጀት መዳርሰ ለዐደደን ነቅሱ መሰለን። ጋሕቲላይ እግል ሊጊሰ ምን ሽባሕ፡ መትከል-ኣቤት ወዐድ-ሹመ እብ እገረን እንዴ መጽኢዩ እግል ልድረሰ ሰበት ኢቀድረ፡ ኣሰክ ደቀምሐሬ ኣው ነቅፈ እግል ኢሊጊሰ ህዩ ምን ዐደን እግል ልትፈንተዩ ሰበት ኢረድዩ ለኣትካርመ ወዐድንመ ኢሳርሐውን።

እብ ዕመማይ ህዩ ምን ረውደት ኣሰክ ምግባይ ደረጀት ለመሻረከት ናይ ክሉ ሰኢ ህሌት፡ ወኣብ ፍንቲይ ናይ ዐረዮት ክም ዐንምባላ ለመስል ዳሕያት ረዩም እተ ተዕሊም ለንዝም በክት ለኢረክበ ኣጀኒት እብ በርናምጅ ዐረዮት ክም ደርሰ ገብእ ህለ። መዳርሰ ካልኣይ ደረጀት እት ጋሕቲላይ ግንደቦ ወንፋሲት ሌጠ ሰበት ህለዩ፡ ምዴርየት ግንደቦ በክት ተዕሊም ለረክቦ መዋጥኒን 85 ምእታይት ባጽሓም ህለው። ፈሀም ወመሻረከት ሽዑብ እብ ማሉ፡ ነሐሩ ወውላዱ ህዩ ዐባይ ህሌት። ክም መስል ጭብ-ኣፍሱል ለሳድፋ ወኣፍሱል ለይዐለ እለ መዳርሰ እት ሽቅየት፡ ክም ዐንምባላ፡ ማደት ወመትከል ኣቤት ደር ሽዑብ ቀሊል ኣኮን።

ሰኣል፡ ከደማት ዓፍየት እቲ ህዩ ምዴርየት ግንደቦ ከኣይ ህሌት?

በሊሴ እለ ምዴርየት እለ ሐቲ መርጅዕየት እሰብዳል ዲብ ቀበት



ኣሰይድ ዑመር ሐጂ

ናይ ኣፍራድ ዲብን ሽዑብ ቃሊ እት ደራዕ ሳፍርህለ።

ሰኣል፡ ኣርዛቅ ወከደማት ሰዶሐት ህዩ ሚ ህለ?

በሊሴ እብ ዓመት ትርእዩ እት ህሌክ፡ ምስል ለህሌን ዲብ መንጠቀት ለገይሰ ጀዛብ መጣዕም ወፊናድቅ ኣለብኩ። ክም መንጠቀት ላኪን ኣሰክ ፍልፍል ለገይሰ እግል ሰዶሐት ለነፊዕ ኣርድ ህለ እግል ኒበል እንቀድር። ምናተ ከደማቲ ሐዋን ቲ። ኣርዛቅ ናይ እለ ምዴርየት ቀደም ክሉ ለልትርኤ፡ ለዝላም ክልኤ ከረም ወሰሰሰ ሓላት ጀው፡ ኣውለት፡ ሽብህ ኣውለት ወቀላቅል ምን መሓባር ኣሰክ ደንገሎ ለህለ ምድር ሰኢ ደማር ለረዬሐቲ። እምበል እለመ፡ ዲብ ጋሕቲላይ ልትሸቁ ለህለ ሐድ 10 ኣልፍ ሄክታር እግል ለኣግምል ክም በርናምጅ ሕሱብ ለህለ ከዝንመ ዋር ምን ከይራታቲ። ምስሉ ናይ ተዋብ ንዋይ መጸበሪ ኣሰክ ካርጅ ለገይሰ ወምን ካርጅ ለመጽኢ፡ ክም ኣግደ ከጥ ህዩ ምን ነፋሲት ኣሰክ መሓባር ትትሸቁ ለህሌት ጽርዝዩ ወኣብያት ዲብ ተጠውር ተኣሳድር ክም ህሌት ለለኣርኤ ኣርዛቅቲ።

ሰኣል፡ ለከደማት ወመትከምግም ደንገሊት ሰወ ገይሰ ህለ ገብእ?

በሊሴ ለበዲር ክም ሽብህ መዲነት እሰሳት ኣካናት ምሽክለት ኣለበን። ለመሻክል እተ እብ ርዕዩ ነብር ሰነት። ክም መስል ሽዑብ ዐንምባላ ኣሰክ 200 ለጉብእ ዓይላት ለልኣቅፍቲ። እለን ዓይላት እግል ከምከምት ህዩ ካድም ብዞሕ ወዴነ። ሐቲ ኣካን 800 ዓይላት እግል ተኣትሐድር ለትቀድር እንዴ ሐሬነ ህዩ ዲብ እግል ልትጀምሮ ሕሱብ ህለ። ብዕድ ናይ መትከል-ኣቤት ቲ ተውዘዕ ኣርድ ሰካን ናይ ሐድ 2000 ለጉብእ እግል ልትህዩብ በርናምጅ ህለ። ሽበሕ ወዐድ-ሹመ ህዩ ወራታት ተኸጠጠን ታምም ህለ።

ሰኣል፡ ኣክር ሚ ልኢነት ተሓልፍ ዲብ ሰካን?

በሊሴ እት ኣክር እግል ኢበለ ለሐኪ። ሽዑብ ዝያድ ክሉ ዲብ ምህር እግል ለኣትክብ፡ ሰበት ተዕሊምቲ ኣሳሳ ክሉቲ። ዋልዴን ውላደም እት ዐግሎ ተዕሊም እግል ልንድኦ ወመራቀብት እግል ሊደው ላዝም ሰበትቲ። እንዴ ረከዘው እግል ልቅነጽ እቲ። ብዕድ እትለ ወክድ ጎነ ክም መጋዴዕ ለልትሐሰብ፡ እብ ሰብር እግል ንትዐደዩ ሰበት እንቀድር። ረዩም መሰተቅበል ኣንጻርት ልትጠላብ ምኒ። ክም'ለ ሕርየት ለኣምጽኦ፡ ኣዚመ እብ ከህላነ ወውሕደትን ከሉ እግል ንብጽሐ እትፋኒ።



ለኢ.በ.ዴ.ም

ሓይላም ቁርክት፡ ቀደም 50 ሰነት ንዝነበሩ ኣብ ባሕርይ ሕይወት ኣለዎም እዚ ወጻኢቲ እንዴት ትቤ እግል ትፈሰሩ ሰዓድቲ። እስትዕማር ዲብ ኣስመራ፡ ዲብ ኣቅርደት ሕርጊጎ ወእምቤረሚ ቅያስ ለኣለቡ ወለለኣሽዐልል ጀራይም ኣጅረ። እዚ እት ሰነት 1975 ቀደም ሰር ዘመን ለጀረ ጀራይም ኣብ ደልዶሉ እግል ልሽረሕቲ። ከኣብሊ እት ረኣሰ ሽዑብ ኤረትርፍ ለጀረ ጀራይም ቅያስ ኣለቡ። ከዲብ ኣስመረ ወድቀራት ዲብ ሰነት 1975 ለጀረ ጀራይም ምኡ “ለኢ.በ.ዴ.ም” እብ ልብል ኣርእስ መለሰ ንጉሴ ዲብ ክታብ ጀራይም ለክትበዩ ቅስት እግል ንርኤ። ከእግል ዮም 3ይ ወናይ ደንገበ ክፈል፡


ጀብህት ሽዑብዮት፡ ዲብ ሰነት 1983 በርናምጅ ኣብደዮት ቅዌት እግል ቲዴ ክምሰል በርመጃት፡ ደረሰ መድረሰት ሰውረት ኣስክለ ትፈናተ ኣካናት ኤረትርፍ ክምሰልሁመ ግረ ከጥ ኣባይ እንዴ ትፈረረው ሽዑብ እግል ለኣድርሶ ትበገሰው። ላይኔ ብላተ ህዩ ዐረዘ በጽሐዩ። መዲር መድረሰት እንዴ ገብኦ ትዩመመ። ለለኣሽዐልል ሐደስ ህዩ ሳደፈ። ዋልዳይቲ ጭገረ እንዴ ትነፈሽ እብ በይነ ዲብ ትትሃጌ እት ገይስ ጸንሐቲ። ላይኔ ዐቅሉ ትበጭበጨ። ለወድዩ ወለለኣዝም ምኡ ትቀወ እቲ። ኣሰልፍ ሰፈላል ወረሐመት ተራተ እቲ ወንዮቲ ሐጭረት። እንዴ ሐቅፈ እግል ልሰዐመ ክምሰል ቤለ ክሉ ረኣሱ መትሐሳር እቤት እሉ። እግል ትፈርጉ ወተኣሌልዩመ ኢቀድረት። ናይ ፊቃዶ መቅደረተ ክሉ ይዐለ። ለትዘከሩ ቀደምለ እት ኣስመረ ለሳደፈ መእከይ ለዐለ ኣዋይን ሌግ ቲ። ላይኔ እብሊ ትሻቀለ ወቀሲን ኣብ። ሓለት ዋልዳይቲ ወዓይለቲ እብ መረብዮት መድረሰት

ሰውረት ዎርመ ለኣምር ይዐለ። ለኢልትሐበሶ ሐደስ ሰበት ገብኦ ላኪን፡ ላይኔ እግል መስኡል መድረሰት ሰውረት - ምናድል ቢትወደድ ኣብርህ እንዴ ረክቡ። “እለ እምዩ ተ። ኣነ ህዩ ክእነ እት እርእዩ ዲብ እሊ ዐድ እግል ኣድርሰ ይእቀድር።” ቤለዩ። ቢትወደድ እብ ሓለት ሰነ ተኣሰፈ። ኣሰይደ ኣበበ ምን ዐረዘ ዲብለ እት ግረ ከጥ ኣባይ - መረብ ለዐለት እስብዳልዮት መርከዝዮት ክምሰል ትገይስ ወደ። ላይኔ ህዩ ምስለ ክሉ እኩይ ዝክርያቲ ዲብ ዐድ እመ-ዐረዘ እግል ለኣድርሰ ኣስተብደ። ዲብ ደንገበ 1984-85፡ ኣባይ ኣስክለ ሽብህ ሕሩር ኣራዲ ፊራርታት ዐባይ እግል ሊዴ ሰበት ኣስተብደ፡ ግረ ከጥ ለዐለው ምደርሲን መድረሰት ሰውረት ወምናድሊን እግል ለኣንሰሕሶ ትቀሰበው። መትሐያብ ኣስክ ሳሕል ገብኦ። ከረ ላይኔ ኣስክ ሳሕል እትለ ኣቅበለው እቲ ወክድ፡ ኣሰይደ ኣበበ ዲብ ምግባይ ሕክምን ተንዚም ዐፊርብ ኣካን 13 ዐለት። ላይኔ ዲብ መድረሰት ሰውረት ዐፊርብ ዲብ መጃል ፈን ትዩመመ። ዋልዳይቲ ዲብ ክምሰል ህሉት ላኪን ዳሊ ይዐለ። ኣምዕል ሐቲ እብ ሰበት ዋልዳይቲ ከበር ክምሰል ረክቦ ላኪን እግል ልብጸሐ ኣስክለ ኣካን ጌሰ። ወልደ ክምሰልቲ እግል ለገብኦ ልግበእ ነፈር ይኣሰኣለ። ክምሰል ረኣዩ፡ እብ ገብእ እለ ለዐለ መርዒት ሽብህ ህምድ ቤለ። ዲብለ ኣካን እት መርዒትለ ናይ ዐቅል መሻክል ለዐለ እሎም ኣንፋር ፍሩራት ለዐለ ምናድላት፡ እግል ኣሰይደ ኣበበ ፍንቲት መራዐዮት ወድዩ እግል ዐለዩ። ላይኔ ወልደ ክምሰልቲ ህዩ ሐበረዮን። ለወክድ ለምናድላት እብ ረሕመት በከዩ። ኣሰይደ ኣበበ ወልደ እግል ትፍቀድ ሰበት ኢቀድረት እግል

ክለን ለኣግህ ትራጀዲ ዐለ።

እት ሰነት 1990 ምስል ተሕሪር ባጽዕ፡ ላይኔ ምስል ብዕዳም ብዝሓም ኣንፋር መድረሰት ሰውረት ዲብ ጀብህት ከረን እትለ ዐለዩ ውሕዳት ትዩመመ። ምስል መትኣሳስ ክፈል ዲሽ 90 ህዩ፡ ዲብ ዲሽ ሕራብት እንዴ ትሰሐበ ኣፍዐበት እትለ ዐለት ፍርቀት ዓዳት ናይለ ክፈል ዲሽ እብ መሰቀት እግል ልክደም ትዩመመ። ኣምዕል ሐቲ ኣላት ዓዳት እግል ለኣምጽኦ ኣስክ ዐፊርብ ትለኣከ። ላይኔ ለበክት እንዴ ትነፍዐ ናይ ዋልዳይቲ ናይ ዝክረት ሱረት እግል ልንሰእ በርመጃ። ዐፊርብ ክምሰል በጽሐ እግል መስኡል መድረሰት ሰውረት ተሰፊሚኣኤል ቀለተ እንዴ ረክቦ ህዩ ዋልዳይቲ እግል ልብጸሕ ወእብ ካሚረት እግል ልሰውረ ክምሰል ለሐዘ ሐበረዩ።

ምናድል ተሰፋሚኣኤል፡ “ደሐን፡ ዮም እንዴ ትመዩክ ፈንገሕ እብ መልሃይክ ትረክበ”



ጽብጥ ለዐለ ሰለስ ቅረፍ ፈደ እሎም። ግረ እለ እግል እት ኣካነት ዕቢያት ዮታይም ለዐለው ነኣይሽ ሐው ዲብለ ታሪካይት ቤቶም ኣክበዮም። ቤቶም ድምርት ወመምተለካቶም ዝመት ሰበት ዐለ፡ ናይ ኣትሐደሶቲ ወታርፍ ለህለ መምተለካት ናይ ኣክቦት ጸር ዲብ መሸንገሉ ወድቀ። ለቀደም 16 ሰነት እተ ቤት

ወዳነ። ኣቡዬ ተበሰም እት ልብልቲ ለትፈንቲ። ለላብሰን ዐለ ሊኒ ከሚሸት ወጸለም መንጠሉን ልሰዕ እት ዕንታቺ ህለ። ወለ ለኣፍገረዩ ክርን ወጀዕ ዲብ እዝንዩ ህሉት። ግናዘቲ እግል ኣምዴላት ዲብ ቤት ክምሰል ጸንሐት፡ ካህናት እንዴ መጽኣውቶም እግል ቤት ብኹር ሰበት ወደው እተ ለእኩይ ጸነ ለህድኦ። ናይለ ተኑን ጸናመ ኣስክ እሊ ሃድል እት ኣንፍዩ እትነሸዑ ህሉት።

ፈንጥር እንዴ ገብኣው ምስል ኣቃርብ ወዲብ ኣካን ዮታይም ፍንጡራም ለዐለው ወዲብ ኣምዕል ሕርዮት ለተኣከበዩ ሐዋት ተሃደዩ። ናይ ህዳዩን መስኡልዮትመ ናይለ ክምሰል ኣብ ወእም እንዴ ገብኦ ራዕዮት ወባልዩን ለዐለ ሐህን ላይኔ ብላተ ዐለ። ንዳል ላኪን ምን ቤት ኣሰይደ ብላተ ክፍለጸዮን ልሰዕ ኢትባልሐ። ለክልኣት ውላዶም መስፍን ወክፈለጸዮን ዲብለ ኣርያይ ንዳል ድድ ወራር ወደኔ ትበገሰው። ኣሰይደ ብላተ ክፍለጸዮን እግል ራብዓይ ወልዱ እግል ዝክረት ኣቡሁ እንዴ ቤላቲ ክፍለጸዮን ለሰመዩ። ክፍለጸዮን ኢህደ። ነፈር ክድመት ወጠን እንዴ ገብኦ ዲብ ካልኣይ ወራር ወደኔ ኣስተሸህደ። ለብክር ቤቶም መስፍን ዲብ ሰነት 1997 ህደ ሄርሚላ ለትብህል ወለት ወልደ። ሄርሚላ ኣቡህ ኢተኣምሩ፡ ዲብለ መደት ወራራት ሰበት ትወለደት። መስፍንመ ነፈር ክድመት ወጠን እንዴ ገብኦ ዲብ መደት ሳልሳይ ወራር ዲብ ሳወ ኣስተሸህደ። መስኡልዮት በዐል ቤት ሸሂድ መስፍን ወወለቲ ሄርሚላ ህዩ ኣዜመ እት መሸንገል ላይኔ ለህንጦዋል ህለ። ንዳል ወእሸትሸሃድ ምስል እለ ቤት ሻማት ክምሰል ጸብጠዩ ኣሰር-ኣሰር ሄረረ። ሄርሚላ ነፈር 30 ደውረት ክድመት ወጠን እት ገብእ ህታመ እትለ ኣቡህ ለኣስተሸህደ እተ ሳወ ህሉት።



ቤለዩ። እብሊ ህዩ ዋልዳይቲ እንዴ ኢረክበ ትመዩ። ፈጅራተ፡ “በገ ኣዜ እግል ኢጊሰ” ቤለዩ። ምናድል ተሰፋሚኣኤል ክምሰል ኢለኣዝም ምኡ ሰበት ኣግረሰ፡ ኣሰይደ ኣበበ ክምሰል ትረሐመት ሐበረዩ። ለለኣግሄ ታሪክ ኣሰይደ ኣበበ ኣክተመ። ላይኔ ህዩ ዋልዳይቲ እብ ድግማን እንዴ ኢልርእዩ ምን ሐዲስ ግሂ ወእሱፍ ዲብ እንቲ ኣስክ ኣካነት ኣቅበለ።

1991 እስትቅላል ክምሰል መጽኦ፡ ምናድል ላይኔ ብላተ ምን ንዳል ዲብለ ትወለደ እተ ቤቲ ኣስመረ ኣተ። ሐዉ ክምሰል ሐድገዮም ዲብ ክል ኣካን ፍንጡራም ጸንሐው። ምዕባዩ ሐሁ ወምንኣሹ ሕቲ ምስል ኣቃርብ፡ ለተርፈው ሰለስ ነኣይሽ ሐው ህዩ ዲብ ኣካነት መርዒት ዮታይም ጸንሐው። እብ ሕክመት ውርስት ለዐለት ቤቶም እግል ልብለሶ ቃኑናይ ሰኣል ቀደመው። ሐቆ ጸገም ትሩድ ህዩ ለእብ መእጅረት



ምስኩናት፡ ናይር ዓድ ሰማን ማርስ ለሓልፈ



ሰንበት ንኢሽ ምዕል ጸብዋ ረመዳን (ሄለል ማርች 2025) ምን ወጠንያይ መሓብር ምስኩናም ለትወከለየ አንሳት ዲብ አደራሽ/ቃዕት መሕበር ወጠን አዋልድ አንሳት ኤረትርየ ሰማን ማርስ እድንያይት አምዕል አንሳት ዐየደየ። እለ ሐፍለት ለነዘመ መሕበር ወጠን አዋልድ አንሳት ኤረትርየ ፈሬዕ ውዛረት ዐመል ወረዳየት እጅትማዕየት ቱ። ለእት ሐንቱ መራዕየትለ ውዛረት ለሀለየ መሓብር ምስኩናም፡ ወጠንያይ መሕበር ምስኩናም ምሕርበት፡ መሕበር ምስኩናም ዐቅል ወገሮቹ መሕበር ሕጽባም፡ መሕበር ጽሑፍም ለክምኩማት አንሳት ለወክለ ሀይ እት ዓድ ሐድረየ።

እም-መንበር ናይለ ፈሬዕ፡ ሻበት ሊድየ ተኪኤ ከሊመት አስመዐት። እት ከሊመት፡ ሰቅራት ሰማን ማርስ ናይ የም ዓመት፡ እት ዐድን “ሕርየት አንሳት እግል ዐማር” ለትብል ትገብእ እት ሀሌት፡ እት እድንየ ሀይ “ደቅብ፡ ሕቁቅ ወመሳዋት እግል ክለን አንሳት” ለብል እት ትገብእ፡ ምን ዐቦት ወሐቅ ክድመት ሐር ለትተርፍ አንሳይት እግል ተሀሌ አለቤ፡ እግል ክለን አንሳት ባብ ልርሐ ለሽከረተ ልእክት ጸብጠት ክም ሀሌት ሸርሐት። ለእክለ ሀነ ለእኪ ለሀለ አዝማት ወሸርሸርት ሕቁቅ አደሚ እት አንሳት ለወደየ እዳ መክረሀት እት አካነ ዲብ እንተ፡ 30 ሰነተ እድወርት ለሀሌት እትፋቅየት ቤጃንግ፡ አንሳት ደማን ቃትን እግል ልርከቤ፡ መትነፈዕት ክዳማት እግል ልግበኤ፡ እት ዐቦት ወብንየት ሰላም ሰህም እግል ለሀሌ እለን ግዳተ ክም ወዳት ሀይ ሀድገት።

ኤረትርያት መሳዋተን ለመጠየንተ አለቡ፡ ተንዝም ጀብሀት ሸዕብየ መሳዋት እብ

መሻረከት እት ሸቅል ለልብል መብደእ እንዴ ልተሌ እት ክሉ እግል ልሻርክ ገበይ ሀበየን። ወሀተን መሻረከትን እት ክሉ እብ ዐመል አርአየ፡ ሕርየት አምጸአየ ወስያደት አድመነየ። እለ መሻረከት እሳተ ሀይ ዓዳት መሳዋት ጋብኦት ለሀሌት። ለሄራር ርቱዕ ወስርጉል እግል ልግበእ ሀይ ሓልፍ ታርፍ ለአለቡ ክሉ መጅተመዕ ምስል እግል ልሻርክ እቱ ላዝምቱ። ዎሮ ምን እትሊ ለልዐውት ተዕሊም ምን ገብእ አንሳት እግል ኢልትዐለመ ዐዋርድ ገብእ ለሀለ አፍካር ክሉ፡ እብ ጸገም ሕበር እግል ንምሐዩ ክም ብነ ሀይ እት ደንጎበ አትፋቀደት።

ምን ወጠንያይ መሕበር ምስኩናም ዐቦት ገርብ ወዐቅል መስኩል ጠወርት ቅድረት አዳም አሰይድ የዕቅብ ሃይሌ እግል ምስል ምስክነ ነብር አጀኒት እት



ገሌ ምን ፈርያት ሕጽባት

መሰረሕ እንዴ አፍገረ ለከባደትለ ምስክነ መሻርከት እግል ለአፍሀም ጀረቤ። እሉም መስሉ አጀኒት ደረጃት ምስክናሆም ምን ታምም ጸር ዋልዴኖም አስክ ሸበህ ሰዳይት ለልሐዙ ክም ልትመደድ፡ ደአም

እምበል ሰዳይት ክም ኢነብር አፍሀመ። እግሎም ራፍዓት ለሀለየ ዓይላት ጸረን ሰኒ ክቡድ ክምቱ እንዴ ሸርሐ፡ ለመሕበር አግደ ሸቅሉ ፈሀም ሙጅተመዕ እግል ልዕቤ፡ መሻረከቱ እግል ቲዚድ ሐብሬ ራትዐት ኦብጽሐት ቱ። ወመራዕየት እሉም አጀኒት ለኢተምትመ ጀሀት ሰበት አለቡ ክሉ አጀሀዘት ሕኩመት ወመአሰሳት ብሕተ ምስል እግል ልሸቀው ልእክቱ ሓለፈ።

በዐል-መንበር መሕበር ጽሑፍም ኤረትርየ አሰይድ ወልዴሚካኤል ሰኢሌ እት አስመዐየ ከሊመት፡ እለ በርናመጅ እግል ነዘመ ፈሬዕ አንሳት ው.ዐ.ረ.እጅትማዕየት እንዴ



ሐመደ፡ እለ መስል በርናመጅ እግል ምስኩናት መዕነውየተን ለረፈዕ፡ ፈርያተን ወምሀዘሀን

እት እተይ ወጠን ናየንተ እግል ሊደየ ለትፈናተ በራምጅ ብእቱ። ተእሂል ምህነት፡ ሰሉፍ እምበል ረፈክ(ውለድ)፡ እት ሐርሱ ተጃረት፡ ተዋብ ንሀቤ ተዋብ ንዋይ ለልትፈረረ ሐቲክ ክም ቅድረተ ወረቅብተ እግል ትሕደር እብ ማል ወሐብሬ ሰዴ። እት ልትፈተሕ መአሰሳት መሕበር፡ ምን ልውሕድ ሐቲ አንሳይት ክም ተሀሌ ወዴ። እት ማርሐት እግል ልምጸአ ኮተት ሓድማ እለንቱ። ለነዝሞት ወአትሐደርት ሀይ ለኢለአትካርም ሄራርቱ እት ልብል አብረሀ።

ወጠንያይ መሕበር ሕጽባም እንዴ ወከለ ከሊመቱ ለአስመዐ ሀይ መስኩል እዳረት መሻሬዕ

መምህር ዮናስ ወልዴዮሃንስ ቱ። እብ አሳስ ከሊመቱ፡ ለመሕበር እት ሰነት 1996 እት ሐንቱ መራዕየት ውዛረት ዐመል ወረዳየት እጅትማዕየት ለተአሰሰ ሐር መሕበርቱ። መብዳኡ ክልኦት ቶም።ቀድየት ምስክነ ቀድየት ሙጅተመዕተ፡ ቀድየት ምስክነ ቀድየት ሐቅ አደሚ ወመሳዋት ቱ ሀይ ልብለ። እግል ሕጽባም ምህምቱ ለቤለዩ ሐምስ በርናመጅ ሀይ እብ ክእነ ከረዩ፡ መቅደረት አንፋሩ ወቀሎት መንበረት ሕጽባም አትሐየሶት ፈሀም ምጅተመዕ እግል አፍይሐት ወሐቅ ሕጽባም እግል ልትሐፈዝ ከዲም

ሕጽባም በክት ተዕሊም፡ ምህነት ወሸቅል እግል ልርከቦ መትጸጋም

ሕጽባት እት ክሉ ጀዋንብ ሐያት አደቃብ። አንሳት መጦር ሐወን እግል ልትቀደመ ለባባት ፍቱሕ ክምቱ፡ እት ቅያደት እግል ልምጸአ ሀይ ዝዘ አሆታይ ክም ገብእ እለን እንዴ ሸርሐ እት ደንጎቤ ሕጽባም እት ሙጅተመዕ ምን ዐቦት ለለዐንቅፈ እግል ልትነወከ ለብእትን ጋራት ሀድገ። ሀተን ሀይ፡

ሙጅተመዕ እት ሕጽባም እብ ዓመት ወእት አንሳት እብ ፍንቱይ ለሀለ እሉ ፈዛዐት ለግድዕት ምኑ ፈሀም

እት ተዕሊም፡ ዓዳት፡ ርያደት፡ ወሸቅል ለሀለ መአሰሳይ መዐናቅፍ (እግል ሕጽባም ለኢውጡይ ተሸኪል መአሰሳት)

ናይ ድዋር መዐናቅፍ- እት



መስኩለት መ.ወ.አ.አ.ኤ. ፈ. ው.ዐ.ረ.እ. ሊድየ ተኪኤ

ሐረከት ወእትሳሳት እግል ሕጽባም እት ሕሳብ ለኣቱ ኢሀለየቱ እለ ሐል ክም ረክብ እት ሕሳብ እንዴ አት ትሸቀ ምን ገብእ፡ ሕጽባም ርሐም እግል ልርፋዕ ወሙጅተመዕ እግል ልንፋዕ እት ከርሶም ለሀሌት መቅደረት ዐባይ ክምተ እብ መናሰበትለ ምዕል ፈረሕ አትፋቀደ።

እለ ወዘረት ዐመል ወረዳየት እጅትማዕየ አሰይደ ልኡል ገብረኣብ፡ ወካይል መጅልስ ቅራን ውብዕዳም ሰብ ሰልጠት ሕኩመት ወምሓብር ለሻረከው እቱ በርናመጅ፡ እት ለአትፋጌዕቱ ሐብሬሁ ለሓልፍ ለዐለ። ለዲቡ ዕዙማም ዐለው ሐልየት ዐባይ ሀይ፡ ጽሑፍም ጠዐሙ እግል ለአዳውሮ እብ አሻይር ዲብ ለአስእላሆም ለልትሰሰዐ ሰበት



መሐምድኑር እድረሰ

ዐለየ፡ ጽሑፍም ሰኒ ትብሰጠው እለ። ለሕጽባት እት ልሰመዐ ለትሰፊ፡ ለትፍዕል፡ ለትረክም ወለተሐብክ ክለን ወራተን ወድየ ዐለየ። ጽሑፍትመ ክምሰልሀ እት ለዐፍየ ሸቅዩ። ህተን ለአዳላሆው ወራት ብስር እዴ መሻርከት እግል ልዕፈው ፍሩሽ ዐለ።

ለመናሰበት እንዴ ትነፈዐየ ገሌ ዕውታት ምስኩናት ተጅርበተን ዳግማት ዐለየ። ምን መሕበር ጸሑፍም አሰይደ አስመረት ብርሃኔ “የም ጸማይም ጭንብወ አለቦም ምስል አመቶም ለትበሀለ ሰምዐው፡ ክሉ ለበርናመጅ እብ ሀግየ አሻይር ምን ትቀደመ፡ አስክ ሕላይመ ምን ትሸረሐ እነ ክም እለ ፈርሐት የም ፋርሐት የእነ” ትቤ። እለን ምስኩናት ለደግመደሁ ተጃርብ ዐውቱ ሀይ ግረ እለ እግል ንቀድሞ እኩምቱ።



(3^ይ ወናይ ደንበክ ክፋል)

ረብሸት አስመረ ወፊራሮ ቋራ (1975)

እሊ ክእነ ዲብ እንቲ፡ እት የም 8 ፌብረዋሪ 1975፡ ሳዐት 10 አዳውሕየት ቅዋት ተሕሪር ሽዕብየት አሰለሕ ምን አዲስ አበባ እንዴ ጸዕነየ መጽአ ለዐለ 35 ዐረብየት እት ፍንጌ አስመረ ወደቀምሀሬ እት ህሊት ጽርግየ እት ሀግት እንዴ አተው ደመረወን ወሰለሕ ብዙሕ ሳለበው፡ እት ነፍሰ ለዕለት ላሊ ምናድሊን ጀብህት ሽዕብየት ወጀብህት ተሕሪር ኤረትርየ ምስል፡ እት መዐስከር ቃኘው ለዐለ ዴሽ ደርግ ኡ ሃጀመው ወከሳር ወደው ዲቡ፡፡ ዐሳክር ደርግ ህይ፡ እሊ እት ደነግጽ ለካሪዮም ህጃማት እግል ልትፈደው ዲብ አብርየእ ስካን አስመረ ጀራይምም አተላለው፡፡

ሽዐብ አስመረ እት ሰልፋይት ሳምን ወሬሕ ፌብረዋሪ 1975 እት ክእነ ጅርበት እስሙን እንዴ ዐላ፡ ገሌ ምነ ምስል መናድሊን ልትሓረቦ ለዐለው ኤረትርየን ዐሳክር ኮማዲሴ፡ “ሽዐብን እብ ዴሽ-ጦር ፈኒኔ ህለ” እንዴ ቤለው፡ መዐሳክሮም ሐድገው ከአስክ አስመረ እንዴ መጽአው፡ ምስል ዴሽ ጦር እት መትሐዋራር አተው፡፡ ወእብሊ ለቴለል ምነ ዐለየ ሽቦህ እግል ልህደእ ቀድረ፡፡ ሐቀ እሊ ለልአሽዕልል ጀራይም፡ ንዛም ደርግ እንዴ ተርከው አስክ ሚዳን ለፈግረው ወምስል መናድሊን ሐምም እንዴ ገብአው ስልሐም ድድ አባይ ለወጀህው አንፋር ኮማንዲሴም ሕዳም ይዐለው፡፡


ንዛም ደርግ፡ ሓለት አስመረ ምን እዴሁ ፈግረት፡፡ ህጃማት መናድሊን ለአተላሌ ሰበት ዐለ ህይ፡ ቅወት ብዙሕት እት ለአመጽእ ሽዐብ እግል ለሀድድ ወለአርዕብ እብ አከይ-አፍዓሉ ለተየልል እግል ልራቅቡ ጀረቡ፡፡ አስመረ፡ መርከዘየት ስኔት ለሐግለ ፈሽሐኒት ውሕዳት ዴሽ አቶብየ በሀለት ቅዋት ምድር፡ ጀው፡ በሐር ወዴሽ መዘላት (አየርወለድ) ትረገሐት፡፡ እሎም ሚርሐት ለይዐለው እሎም ለትፈናተው ሰሉሓም ደያሻ፡ ዎሮትከ እበ መስሉ ለተየልል እግል ለሀውን ምስዳራት ነስእ

ዐለ፡፡ አሸቃል ናይ እሊ ምን ክል ጀሃት እት ሕድ ለትሐየበ ውሕዳት አምን ወመአሰሳት ምቅርሔ ይዐለት እሉ፡፡

እምበል እሊም ምን አዲስ አበባ ለመጽአ ለትፈናተ መጃሚዕ አምን፡ ዱቅሪ ምን ኮሎኔል መንግስቱ ሀይሌማርያም አማውር እት ልትሀየቡ እት ቀበት አስመረ እግል ልትሐረክ አንበተ፡፡ እሊ ለዲብ ኤረትርየ ዕስኩር ለዐለ 2ይ ክፈል ዴሽ ወአጅህዘት አምን ለኢለአምሩ መጃሚዕ ስሎሕ ዴሽ፡ ናይ ኖሱ ከዋዋት ነስእ ሰበት ዐለ፡ ምህመት እምር ይዐለት እሉ፡፡ ወእብሊ ሽዐብ አስመረ እብ ዓመት ወሸባብ ህይ እብ ፍንቱይ፡ አረይ ሸንቆ ወዋለግ ብአው፡፡

ኮሎኔል ብሹ እት ባር አማንኤል እብ መናድሊን ክም ትቀተሉ፡ ተረቱ እት ሸባብ እግል ልትፈደው ለወደዋ ጅምለት ቅታል አብርየእ፡ ገሌ ምነ ልትዘከር ጀራይም ጃእር ዐለት፡፡ እትለ መጅዘረእ እሉ፡ 30 እተ ዶሎም እት መይቶ፡ ብዕዳም ዝያድ 60 ህይ ትጃርሐው፡፡ እት መደት ለህ ምን ቤቱ እንዴ ፈግረ ለኢለአቀብል፡ ምክራዩ ለትቀዌት፡ ክምስልሁም ገናይዙ እት ከደን ሉኩፍ እት እንቱ ጸኔሕ ለዐለ ኤርትራ ሐድ አቶን፡፡

ሰነት 1975 ግድም፡ መዲነት አስመረ እት ታሪክ ለትኬለመ ጀራይም መስተዕምረት አቶብየ ለረኤት ዲበ ሰነት ዐለት፡፡ ለጀራይም መስተዕምረት ደርግ



እት አስመረ ሌጠ ኢትከለቤ፡ ዐሳክር አቶብየ እት ብዕድ መዳይን ኤረትርያም ጀራይም ብዙሕ ወዱ ዐለው፡፡

እምበል እሊም ዐሳክር ደርግ እት ደገጊት ድዋራት አስመር፡ ምስል መናድሊን እት ልትሓረቦ እቱ አውካድ፡ እት ባካት ለሀለ ደገጊት እት ለአትናድዶ ወሸዐቡ እት ለዐዝቡ፡ አከይ-አፍዓሉም አተላለው፡፡ ወኪ-ድብ፡ ዐዲ ቀንጸ፡ ዐዲ ንፋሱ፡ ዐዲ-ባጁኳይ፡ ገዝ ላምዛ

ባካት ድባርዋ፡ ገሌ ምነ ዴሽ ደርግ አምኣት ስካንን ለቃተለ ወአብያተን ለአትናደደ ድዋራት ተን፡፡ ዐዲቀንጸ እብሊ ጀራይም አባይ ኩሉ አብያተ ጨበል-ርምቦ ገብእ እት ሀለ፡ እት ዐደ-ባጁኳይ፡ 55 አንሱ፡ አጀኒት ወደገልል ለብእቶም ስካን ኩሎም ምስል እብ ዋለግ ለረሸን ዲበ ሓድሰት፡ ሐቱ ምነ ብዙሕ ጀራይም አባይ ተ፡፡

ለናይ ፌብረዋሪ 1977 ሕፋሳት አስመረ ወደዋራተ፡ ወለዲብ ሽዐብ ገብእ ጀራይም፡ እንትብህ ዔማት አክባር ካርጅ ሰበት ጀዝቤ ንዳል ሽዐብ ኤረትርየ ድድ እስትዕማር አቶብየ ለወደሐ፡ ወሀለዮት ሰውረት ለአትአመረ ዐለ፡፡



ደርጅ

ንዛም ደርግ፡ ሽዐብ እብ አትፋርሆት ወጀራይም እግል ለአትብርኩ ለወደዩ በረ ምን እንሳንየት ላቱ አከይ-አፍዓሉ፡ እብ ድዱ ብዕድ ተጠውራት ወልደ፡፡ ምራድ ሕርየት ሽዐብ

አዋልድመ ተንክረ ምስሎም ዐለየ፡፡ ብዝሓት ደረሳ አዋልድ ጭገረን እንዴ ቃረጨዩ፡ ወርዳታት እንዴ ለብሰዩ፡ መጦር ውላድ እብ ኤማን ወሰባት እት ሰፋፍ ሰውረተን ተዐንደቀዩ፡ መሻረከት አንሳት እት ሰውረት ለበዝሐት ለዘደት እት መደት ህይ ገብአት፡፡ ዶር አንሳት ለአትናእሽ ለነብረ ከፈፍል መጅተመዕናመ እብ ፍርስነተን ለቀየረየ እቱ ስኒን ገብአ፡፡

እሎም ሐዳይስ ደረሰ ውብዕዳም ለትፈናተ ቅድራት ወምህነት ለቦም ሸቃሉ፡ ቅድረት ሰውረት ኤረትርየ እብ ኩሉ ለልአትሐዝየ ገጽ ቀደም አበለው፡፡ እት መደት ለህ እብ ስርያት ቃይመት ለዐለት ቅወት ዴሽ፡ እት መደት ሐጫር ዲብ በጠልዮኒታት ወበራጊድ ተዐርግ ዲብ ህሌት፡ ተናዚም ሰውረት ወእብ ፍንቱይ ቅዋት ተሕሪር ሽዐብየ፡ እት ግረ ዲበ ዐለ መራክዙ፡ ወራታት ብዙሕ ለልአውቂ መአሰሳት እግል ለአቂመ ወልጠውረ አርደት ጠፍሐት እለን፡፡

ሰነት 1975 እት አስመረ ሌጠ እንዴ ኢገብእ፡ ንዛም ደርግ እት ብዙሕ ምን ምድር ኤረትርየ፡ ጀራይም ለወደ እት መደት ዐለት፡፡ ገሌ ምነ ጀራይሙ፡ እት ማርሰ ሰነት 1975 ዲብ አቁርደት ለጀሬት እብ “ሰንበት-ጸላም” ለትትአመር፡ 467 ስካንለ መዲነት

ለትቀተለው ወ80 ለትጃርሐው እቱ፡ 150 ቤት ለነደየ እቱ ፈነ ጅምለት፡ እት አፕሪል ሰነት 1975፡ ክምስልሁም እት ወሬሕ ማርሰ 1976 ክልኤ ኢነት ደርብ ሕድ እት ሕርጊጎ ለጀረ 500 መዋዋኒን እብ ዋለግ ወሰካኪን ለትቃተለው እት ወ130 ለትጃርሐው ዲቤ እት ማርሰ 1975 ዲብ እምቤረሚ ለገብአት 73 መዋዋኒን እብ ጅምለት ለትረሸነው እት ወአብያተለ ድጌ ለትደመረ ዲቤ ምን ሰነት-1975 አስክ 1979 እት ዐለ ወክድ ዲብ ዐሰብ ለጀሬት አምኣት መዋዋኒን ለትቀተለው እቱ፡ እት ዐዲቀይሕ 175 መዋዋኒን ለትረሸነው እት ጀሪመት፡ ክም መስል ምነ ብዙሕ እግል ንህደግ እንቀድር፡፡

እት ሰንሐት ዲብ ደገጊት ዳሕየት ዐንሰበ-ለመጨሊ፡ ደብር-ሐሊብ፡ ሐድሽ-ዐዲ፡ ፍርኩቲ፡ ዋስደንባ፡ ጉሹ፡ ምህድግ ውብዕድ አካናት፡ እት አቅሊም ግብለት ዲብ ደቀምሐሬ፡ ወማይ ዕዳጋ፡ ለጀረ ቃታል መዋዋኒንም ገሌ ምነ ብዙሕ ጀራይሙ ተ፡፡

ሰነት 1975 እብሊ ዐዛበ ክም ሐልፈት፡ ምን ሰነት 1976 አስክ 1978 እት ዐለ ሰኖታት ሐለት ሰውረት ኤረትርየ እብ አዳም፡ ስለሕ፡ መትካዝም ወተጃርብ ሐርብ እት ትተረድ ለመጽአት ዲበን፡ እብ ጀህት ዴሽ መስተዕምረት አቶብየ ህይ ምን ድወል ምውዳቅ ጸሓይ ወእብ ፍንቱይ ምን አሚሪክ ረክበ ለዐለ ሰዳይት ሰበት ሐደት ዲብ፡ ወምን ሰውረት ከረብጅ ሕፋን ሰበት ሻወጠዩ፡ ስኒ ለሐውን እት መደት ዐለት፡፡

ክም ፍገሪት እሊ ህይ፡ ዐስከርያይት ሐለት ሰውረት ኤረትርየ ወእብ ፍንቱይ ቅዋት ተሕሪር ሽዕብየ እት ምን 1976 አስክ 1978 ለዐለት መደት፡ “ምድር ወአዳሙ እብ ሽቦህ-ሽቦህ ሐረርት” እበ ልብል ቀራር፡ ርሒብ ወፈዋን ለክልእ ሕፋሳት እንዴ ሀረሰት፡ ለበዝሐየ መዳይን ሐን ምልክ ለአቱት እቱ፡ እብ ዐውቱታት ሰውረት ናይር ለልትፈረግ ወቅት ተ፡፡



መካይን 04ኛ

ዶ/ር ዐመር ዐሰማን

ዐውቲ ኣጅንሰ ብዙሕ ቲ። እግል ነፍሰከ ትትዐወት፡ እግል ዓሊለትከ ትትዐወት፡ እግል ወጠንከ ትትዐወት፡ እግል እድንዩ ኣው ወድ ኣዳም እብ ፅሙማይ ቀደም ለተኣብል ዐውቲ እግል ትትዐወት ትቀድር። እት ዐውቲ ከኣፎ ትበጽሕ ኣመሮት ህዩ ምህም ቲ። ለበዝሐ ወቅት ለዘተ ጥዕም ወናይ ክሉ ላት፡ ተማመት ወከማለት ለበ ዐውቲ ላኪን እብ ሽቅል ሕበር ለትመጽእ ቲ።

ቅወት ሽቅል ሕበር ሕዱድ ኣለቡ። እግል ሚ እብ ሕበር ለትሸቀዩ ለትዝመ ሽቅል ለበዝሐ ወቅት ዕዉት ቲ። እሊ ህዩ ሕድ እት ሳዕድ ወትትሳዴ ክሉ እግል ልትበጽሕ ሰበት ልትቀደር። ገቢል እርትርዩ ምን ለልትኣመር እቦም ነባሪ ናይ ሕበር ሽቅል ወመትሳዳይ ቲ። እሊ እብ ግምሽ ለመጽእ እግል ልግባእ ለህለ በክት ሒድ፡ ገቢል እርትርዩ መሰለሒት ካድም ሕበር ዶል ጸገም፡ ፊራሮ መካፍሒት ወብዕድ እብ ራቴዕ ሰበት ልፍህም ቲ እሊ ዓዳት እሊ እግል ለኣምጽእ ለቀድረ።

ክም ሸባብ ህዩ፡ እሊ ቃሊ ነባሪ ገቢልን እብ ዋጅብ እንዴ ፈህምን እግል ንትነፈዕ እቡ ለኣስትህል። እግልሚ ክሉ ሽቅል እብ መፋህምት ወናይ ሕበር ሽቅል ሰበት ልትዐወት። ንልመዱ፡ እግል ዐቦትን ወዐቦት ዐድነ። እት ናይ ሕበር ካድም መቅደረት ብንዩት ዕላቃት



ወመፋህመት መረ ምህም ክምቲመ እግል ንትረሰዕ ኣለብነ።

እት ሒቲ መኣሰሰት ሽቅል እብ ዋጅብ እግል ተኣግዴ ገኣት ምን ገብእ፡ ክል ሽቃላይ ሽቅሉ እብ ዋጅብ እግል ለኣመር ለኣስትህል። እብ ተውሳክ መትቀያያር ሒብሬ እብ ራትዐት ገበይ ወቀልብ ሳዩሕ እግል ለኣትሒይ።

እምበል ቀልብ ሳዩሕ ለልትሸቄ ካድም እግል ባዕሉ ኢረዬሕ ወፍገሪት ኢለኣመጽእ። እግል ሕድ ኣሕተረሞት ወምን ክሉ ቅብብ፡ ቅንኢ፡ ጅግረ ወበኣስ ምስል ኣንፋር ለመኣሰሰት እግል ነኣሪመ ወጅብ። እግልሚ እሎም ለሰሜናህም ሓጃት እብ መበዓቶም ድድ ዐውቲ፡ ሽቅል ዕዉት ወራሒት ደሚር ሰበት

ገብኣው።

እት ክል ሽቅል ዋጅብከ ኣመሮት ወእግሉ እብ ተማመት እት ወቅቲ፡ እብ ገበይ ሰኔት ወእት ትትጠወር ለትገይስ ቅድረት ኣትመሞት ምህም ቲ። ሒቀ እሊ ህዩ እሊ ለለመድካህ ገበይ እብ ከኣፎ እብ ለዘት ወጠዐም ለበ ገበይ ትወድዩ ቲ ለምህም። እት ቀበት እሊ ክሉ ላኪን ለናይ ኣክር መባጽሕን ኢንትረሰዕ።

ግረ እሊ ለትመጽእ ኣክላቅ ወኣደብ ናይካ ቲ። ኣክላቅን መቅደረትን ሸፊሕ። ሕነ ውላድ ኣዳም መሕበራያም ሕነ። እት መንበሮ ሒያት ህዩ ለትወቀለት ድራሰት ወዕልም ምንመ እንክሰብ፡ ለናይ እጅትማዕዩት መቅደረትን እግል ንጠውር ኢቀድርን ምን ገብእ እት ምህንትናመ ምን ንትዐወት፡ እት ዕሙማይ ሒያትን እግል ንትዐወት ይእንቀድር። ናይ ዕላቃት ወመሕመባራይ መንበሮ ቅደረትን ህዩ እት ናይ ሕበር ዐውቲ ሽቅል ዐባይ ሰበት ገብኣት፡ ሸባብ መኣንብተት ሽቅል ሒዲስ ንግባእ።

እሊ ኣክላቅ ናይከ ምስል ኣደብ ናይ መሻቂትከ ህዩ እት ዓፍዩትከ ተኣሲር ትሩድ ቡ። እትሊ ናይ ዮም ወቅት ብዙሕ ወቅት እት ኣካን ሽቅልን ሰበት ነኣልፍ፡ ላዝም እበ ልትቀድረን ኣካን ሽቅል፡ ምን ሒር ለበልሱ ዴራይ ለመድ ወፍክርያት ክም ነድፍ እግል ንውዴ ለኣስትህል።

እብ ተውሳክ ኣደብን ናይ ሽቅል ረኪብ ወዐቦት ኣብካትን እግል ለኣጽብቡ ወለዓብዩ ቀድር፡ ሰበት

መስኡልን ምን ገብኣ ወመሻቂትን እግል ቅድረትን ወግም ለለህደቦ ምን ገብኢ፡ ኣደብን ምስል ክሉ ቲ ለረቲቡ። እግል ንትዐወት ወንዕቤ ገኣን ምን ገብእ ህዩ ኣደብን ክም ቅድረትን እንዴ ረተብን ንክደም ቲ።

ናይ ሕበር ሽቅል ናይ ሕበር መባጽሕ ህለዮት ቲ። ናይ ሕበር መባጽሕ እግል ልትበጽሕ ገኣ ምን ገብእ ህዩ፡ ናይ ሕበር ጅህድ፡ ኣደብ ወመትሰባል ለሒይ። እብ ኣደብ ወእሕታራም ሕድ እት እንክደም ህዩ እግል ክል ናይ መለህደነ ቅድረት እንዴ ኣመርኩ፡ እት ኣካን እብ ኣተዮት እግል ንትነፈዕ እበ ገኣን ምን ገብእ ህዩ እጥምእናን ወደማነት እት ሕድ እግል ለህሌ

እን ወጅብ።

ክም እሊ እት ለዐል ለወረኤናሁ ወዲ ህዩ፡ ሽቅልን ክም ልትዐወት፡ ፈርሒትን ወፍሬን ህዩ ክም ዘይድ ወድዉ። ክም እሊ ግብኣት ህዩ እግል ዝያድ ዐቦት ወኣብካድ ድራሰት ፈቴሕ ምህም ቲ። ክምን እሊ እንዴ ኣትሌን ግርመት ናይ ሕበር ሽቅል ለለኣርእዩ ንቃዋ እግል ንሰሚ ቲ።

ሀ. ጠወሮት ቅድረት

ናይ ሕበር ሽቅል ባቂዕ ወዕዉት ካድም እግል ኣትለዮት ለኣቀድር። መቅደረት ኣንፋር ወግርመት ምስል በቃዐት ሽቅል ህዩ እብ ለዜደት ደረጃት ለዓቤ። ናይ ሕበር ሽቅል እት ፍንጌ ሽቃለ ለህሌት ውሕደት እብ ወሰኑ፡ ፍሬ ለኣዘይድ፡ ናይ ኣንፋር ወሕበር ቅደረት ህዩ ለዓቤ።

ለ. ጨቅዋ ለኣነቅስ

ወድ ኣዳም ምን ጠቢዐቲ መሕበራይ ሰበት ገበኢ፡ ምስል ብዕዳም ኣንፍር ናይ መትሓባር ናይ ጅወት ለለኣሽክት ምራድ ህለ እሉ። ክም እሊ እብ ግብኣቲ ህዩ ምን ኣዳም ዶል ልትፈንቲ ኣውመ ምስል ኣንፋር ሸርክቲ ወመሻቂቲ ዶል ኢልትፋህም፡ እግል ሕማማት ጨቅዋ ገርብ ወምክ ቅሎዕ ገብኢ። እት ክም እሊ ሓለት ናይ ሕበር ሽቅል እቲ ፍሩር ህሌክ ምን ገብእ ላዝም እግል ትትሃጌ ወመሻክልከ ትባሌሕ በክት ብኩ፡ እግል ሚ ለኣለት ሽቅል ትጅብረኩ። ክም እሊ እብ ግብኣቲ እት ምግብ ናይ ሕበር ሽቅል ለሳድፍ መሻክል ኣንፋር ብዙሕ እግል ሊጊስ ለህለ በክት ሒድ ቲ። እሊ ህዩ እግል ሳድፍ ጨቅዋ ለኣነቅስ።

ምን እሊ እብ መትበገስ ደረጃት ጨቅዋ ናይለ እብ ሕበር ወበይኖም ለሸቄ ኣንፋር ዶል ትትጃገር፡ ለእት ናይ ሕበር ሽቅል ፍሩራም ኣንፋር ሒድ ጨቅዋ ቲ ለልትሰመም። ብዕድ እት ኣካን ሽቅል ሕበር እግል መፋህመት ዐቢ በክት ህለ። እንተ ወመትብእሳይክ ለህለ ነፈርመ እንዴ ፈደብክም ሕድ ምን ኢትሳምሐ ወትትፈህም። መሻቂትክም እንዴ ኣንተብህዉ እብክም እት ገበይ ራትዐት እግል ልብለሱክም ሰኔ በክት ህለ።

ሐ. መሻክል ናይ ፈቴሕ በክት

እት ናይ ሕበር ሽቅል፡ ለትፈናተ ኣክላቅ፡ ለመድ፡ ዓዳት፡ መቅደረት ወብዕድ ለዐም ኣንፋር ሰበት ህለው እግል ሳድፍ መሻክል እብል ቀለት ወለሒሰት እግል ባልሒቲ ዐቢ በክት ህለ። ብዕድ ምህም ናይ ሕበር ሽቅል ናይ ውቅል ፈህም/ዘዩት ለትትረኤ እቲ ቲ። እሊ ህዩ ምስል እብ ሕበር እግል ትትዐወት ለህለ ምራድ እንዴ ወሰክክ እግል ዕሬ ሰኔ ባብ ፈቴሕ። እት ናይ ሕበር ካድም በክት ዐቢ እግል ረኪብ ቃሊ ኣፍካር ወመባድእ ህለ።

መ. ንዩት ወምራል ለዓቤ

እብ ሰኣዮት፡ ፈርሒት ወለውቀት ለክብሮ ኣንፋር፡ እት ዐውቲ ናይ ሕበር ሽቅል እብ ቀደም ቲ



ልትረተቦ። እሊ ኣክላቅ እሊ እግል ለኣተላሊ ህዩ ሓጃት በደል እብለ ሳደፈዉ። እብ መባጥር እግል ልትረኣው ቦም። ለገኣ ነፈር ህዩ ፈሸል፡ በኣሱ ሐዘን፡ ኣከይ ትምኔት፡ ቅንኢ ወሰኣዮት ቡቲክ እት ደሚሩ ለትመሸው ህለው ምን ገብእ እግል ልትረዩሕ ኢቀድር ወመሻቂቲ ኢረዬሕ።

ምለዐል ክሉ ላኪን ለውቀት ወሰዮት ኢናዩ ቶም። እት ናይ ሕበር

ሽቅል ክል ነፈር ናዩ መውህበት ወመቅደረት ቡ። እሊ ህዩ ሚርሒት ሽቅል እግል ለኣንተብሆ እሉ ቦም። እግል እሊ እንትባህ ህዩብ ኣንፋር ቃልያም ክም ቶም ወመሻቂቶም ወመሰኡሊኖም ክም ለኣንተብሆ እሎም እብ ኣከደት፡ ፍሬ ዛይድ እት ህለዮት መረ ተረት ዐባይ ቡ። ሞራል ህዩብ ወኣትሳጅዮት ህዩ ምን ጅዴድ እት ካድም እግል ትትፈረር ወፍሬክ ተዓቤ ለኣቀድር።

ኣዳብ በቤ ምህነት

- * በዐል ምህነት፡ ሰቡል ወበዐል ገለድ ምስል ምህነቲ እግል ልግበእ ቡ። ምስል ሽቅሉ ለኢገይስ ሓጃት ምኑ ልትሓፈዝ። ወቅቲ ወወቅት ብዕዳም ለሒሸም ወደለ ምኑ ሰዳይት ለለሒከ ሰዴ።
- * ለእቲ ሸቄ ህለ መጃል እብ ዋጅብ ለኣምር ወምስል ሽቅሉ ለገይስ ኣብሳር ወነዘርያት ሰኔ እንዴ ወደ ለኣምር። ሽቅል ቤትን እብ ዋጅብ እግል ንሸቄ ብነ። ኣምርን ሰር ሰር ሒቀ ገበኣ ደማነት እት ነፍስ ኢተህሌ እግልነ። ለኢነኣምሩ ፍክር ምን መልህያምን ሒቀ መጽኢን ንትከብቲ ወእብ ሰበቲ ብሒሳት ንውዴ።
- * ኣሆታይ ፍክርያት እግል ለህሌ እግልን ቡ። እግል መጽኢ ፍክር እብ ቀልብ ሰኔ ሒቀ ኢትከበትናሁ እግል ንትዐወት ለህለ በክት ሒድ ቲ። ክመ ዎሮት ፋላሰፈ ለቤለዩ “ለትበህለቶም ለኢወዱ ወክመ ለትበህለቶም ሌጠ ለወዱ ኢልትዐውቶ።” ሰበት እሊ እግል ንትዐወት ምን ለተህዩቤን ሽቅል ወለዐል ንክደም።
- * መቅደረትን እብ ትሉሉይ ነግቤ።
- * ክል ዶል መሰኡልየት ናይ ሽቅልከ ልግበእ መለሳድፋክ ኣክላግት ንሰኢ።
- * ምን መልህያምክ እግል ትድረስ ዱሉይ ግበእ ወመቅደረትክ እግል ብዕዳም ምን ኣድረሶት ኢትትህኪ።
- * እግል ምስልከ ለሸቄ ሸረፍ ወእሕትራም ሁብ።
- * ልባሰክ ወዕላቃትክ ምስል ኣዳም ጅወትክ ለሸረሐ ሰበት ገብኣው እብ ዋጅብ ትነፈዕ እቦም።
- * ምህነት ኣክልሕድ እግል ትትቀዩስ ምንመ ኢትቀድር እለን ለተልዩ ሰኣላት እግልን ሒቀ በለስን መቅደረትን እትሚ ደረጃት ክም ህሌት እግል ነኣምር እንቀድር።
- * ከኣፎ እንዴ ወዴኮ ሽቅልዩ እጠውር፤
- * እሊ ለህሌት እዬ መቅደረት ኣው ሸሃደት እግል ኣምጸኣት ለኣብዴክዉ ወቅት እት መግሉ ኣውዐልክዉ መኢፋሉ፤
- * ዮም እት ሽቅልዩ ሚ ለመስል መቅደረት ኣርኢኩ፤
- * እብል ምህነቲ ሸረፍ ወእሕትራም እረክብ ህሌኮ ገብኢ፤
- * ምስል ክምስልዩ ሰብ መቅደረት ዕላቀቼ ከኣፎተ፤ እንዴ እንቤ ንሕሰብ ወንብለሰን።

እሊ ክሉ እት ለዐል ልሰሚናሁ ሓጃት እብ ዋጅብ ለወዴ ህዩ እት ሽቅሉ ሰቡል ወኣዳብ ለቡ ሻብ ቲ። ክሕናመ ሸባብ መስል ሰኔት ወሰኣዮት እግል መጽኢ ኣጅያል እግል ንግበኢ፡ እት ሽቅልን ሰቡላም እንዴ ገብኢ፡ እግረት መቅደረትን ወኣደብን ነኣርኢ።

መታከል ከወደ ስምዒታት ነብ ብዕደም ከክትናይቱክ

ስምዒታት በድሎም

እግሉ ህለው ምስልክ ስምዒታት በድሎት ስኒ ቀላል ላተ ዐመልየት ተ። ሐቲ ጋሪት ለእንተ ትትሐገዝ እተ ህሌት ምን ገብእ፡ እንተ እሊ ጋር እሊ አስክመ አክል ሕድ እት ዐቅልክ ትሐሰብቅ እግል ኢትጠልቁ ለልክክድ ቀራር እግል ትንሰእ ለአትሐዘክ። ከለጋሪት እግል ተኣንብተ ሐቆ ሐዘክ። እለን ሰለሰ ከጥዋት እለን ጀርብ።

እግሉ ኢፋሉታደም ሕሳባትክ ኣብ ብዕደም ኢሆታደም በድሎም

እሎም ኢሆታደም ሕሳባት እብ በይኖም እግሉ ህለ ተየልል እግል ልበዱሉ ሐቆ ኢቀድረው፡ ሕኔት አረይ ናይለ እንተ ኖስክ ዓማቱ ለእንተ ሓሳባት ትገብእ፡ እት ገሌ ደረጀት ፈዛዐት እግል ለኣብጽሐክ ለቀድሮ እግል ትዳውም እቶም ለወጅበክ ገሌ ተማሪን ህለው። ከእሎም እት ሐን ረቃብትክ እግል ቲደዮም ወምን ዶል እት ዶል እግል ትሕረዮም ወተኣትሓይሶም ለአትሐዘክ። ኒበል እተ እለ ትነብር ህሌክ ምዕል፡ ገሌ ኢፋሉታደም ስምዒታት ክም ስደፍዉክ፡ እሎም ስምዒታትክ ልብ ሐቆ ትከሬ እቶም ወተኣሌልዮም፡ እተ ዶል ለህ እብ ፍዛዐት እግል እሎም ኢፋሉታደም ሕሳባት እት ብዕደም ኢሆታደም በድሎም። እሊ ህይ አክል ሕድ ዐክሰ ናይለ ጸንሐት እትክ ሓለት ክም ቱ እመር ቱ።

እግል መሰል፡ ኒበል እንተ እለ ለእተ ህሌክ ጠቢዐት እግል ትበድለ ክም ኢትቀድር፡ ወጀላብ በደሎተ ለትወድዩ ጁሁድ ክል ዶል ካትመቱ ፈሸል ክም ተ ለልክሰእል ኢፋሉታደም ሕሳባት ዶል ወረክ፡ እብ ገበይ ፋዝዐት እግል ርሕክ እንተ ክሎም ዕዉታም ላቶም አንፋር ለመሉኩ ክሉ ሕየል ወዝሕርታት ለትመልክ ነፈር ክም እንተ አትአምኑ።

እምበል ሕላሌ፡ እብ ሐጠር፡ ወእብ ሰኔት እንዴ ትዋፈልኩ፡ እግል ርሕክ እንተ እግል ትትዐወት ክም ቱ ትዋሰፈ። ወሐቆ እላመ ክልመ ኢፋሉታደም ሕሳባት ትሻበቤካተ፡ ነፍሰ እለ ትመስል ዐመልየት እለ አተላሌ። እሊ ጋር እሊ ዐመልየት (process) ክምቱ ፍቀድ፡ ወእንዴ ተዐወትክ እት ደረጀት እብ ኢሆታደም ገበይ ለተሐሰብ እተ እግል ትብጽሕ ላጋር ብዞሕ ወቅት ክም ለአትሐዘክ ኢትትረሰዕ፡ ምናተ ወቅትመ

ለአትሐዘክ እንዴኢኮን እብ ገበይ ራትዐት እግል ትሕሰብ ሰዓይት ገብእ እግልኩ። ወክልመ ለሓለትክ እት ትትሸበህ ጌሰት ተ፡ ከዝያደ ኢሆታደም ሕሳባት እት ተሓሰብ እግል ትምጽእ ቱ፡ ወእት ደንገበ ክም ፍገሪት ናይ እሊ እንተ እብ ምልሃክ እት ትትሎለብ ወገጽክ ቀደም እት ተአሴርር እት ኢሆታደም ሕሳባት፡ ኢሆታደም ስምዒታት፡ ኢሆታደም አፍካር ወኢሆታደም አፍዓል ክም ትትበገስ እግል ትግበእ ቱ።

እት ርሕክ ድቁብ ደማን ኖስ ክም ትከልቅ ውዴ

እሊ ሕሳባትክ እግል ትበድል እተ ትትጸገም እቱ ህሌክ ወቅት፡ መጦር መጦሩ ወእብ እማመት እት ርሕክ ድቁብ ደማን ኖስ ክም ለህሌ እግል ውዴ ወእተ እሎም ብክ ሐየል ወወቀይ ሰእየት ዐባይ ወደማነት ተህሌ እግልኩ። ተኣንብት እት ህሌክ እግል ትተለየ ለብእትክ ለሒሰት ገበይ፡ እግል ክሎም ለሰንያም ጠባዩዕክ ወለህለው እግልክ መዋህብ፡ ወተዕሊማት፡ ሕየል ወመቅደራት ክተቦም ወእት ሐቲ ቃእመት እንዴ አዳሌክ ክረዮም። ወክሎም እት ርሕክ ለትሰእዮም ኢሆታደም ጋራት ክሎም ሰጅሎም። እሊ ለለአትፈክር ጋራት ኢልምሰል እትኩ።

ክል ምዕል እግል እሎም ለእሎም ሰጅል ህሌክ ጋራት ሐቲ ዶልመ ልግበእ ቅርኡም፡ ወእግል ርሕክ እግል እሉ ሳትት ህሌክ ጋር ወለህለው እግልክ እት ዐውቱ እግል ለኣብጽሐክ ለቀድሮ ዝሕርታት አክል ሕድ አክዱ እሉ። ሐቆ ገሌ ወቅት እንተ እብ ክሰሰ ርሕክ ሰኒ ወአማን እብ ገበይ ኢሆታደም እት ተሐሰብ ወእተ እሎም ብክ መቅድራት ወወቀይ ውቅልት

ደማነት ነፍሰ እት ርክብ እግል ትምጽእ ቱ፡ እሊ ህይ እንተ አነ ለገብአት እግል ኢዴ ወአውቁ ቅድረት ብዬ ወእት ቀደምዬ ለትብጥር ወለትክርዐኒ ሰንዐትመ ይህሌት ለትብል ጠቢዐት ሰበት ጠወርክ ሌጠ ቱ።

እግል ነፍሰክ አደቅበ ወአትናይተ

ዎርት ምን ሰኒ ዐጂባም ላቶም ጋራት ሐዲስ አፍካር እብ ክሰሰ ርሕክ እግል ትከውን ለሰዱኩ፡ ኖስክ እንዴ ትካየልክ እግል ናይ ነፍሰክ ሸክል በደሎት ቱ። መትካያል ለቀለት ወሰኒ ተእሲር ለበ ገበይ አውመ መሻቀዩ፡ እንዴ ትነፈዐክ እበ ለዐለ እግልክ ጨቢብ ሕሳባት እብ ክሰሰ ነፍሰክ ምኑ እንዴ ትባልሐኩ፡ ሐዲስ ወመትናይታይ ላቱ ሕሳባት እብ ክሰሰ ርሕክ ለትበድል እበ ቀላል ገበይ ተ። እተ ምግሳይክ እት እንተ ዕንታትክ ሌጠ እንዴ አቀመጭኩ፡ ርሕክ ክመ እለ ሐዘክ ወእግል ትግበእ እግልክ ለትትሸበህ ትዋሰፈ ወትካየለ።

እግል ነፍሰክ ዐባይ ደማነት እበ እት ትሸዕር፡ በዐል መዋህብ፡ ሐጠር ወእት ዐውቱ ወሰርገል እት ትትሀናቀብ ትዋሰፈ። ወቅት እንዴ ኢትጸኔሕ እሊ አውሳፋት እሊ እብ አማን እት ቀበትክ እግል ትሸዐር እብ ቱ። ወምስል ወቅት እት ክሉ ወቅትክ እብ ክምሰል እለ ትመስል ገበይ እግል ትሕሰብ ቱ። እሊ ጠቢዓይ ላቱ ጋር ቱ። እሊ መሰል ተማሪን ክል ዶል ዶል ተኣተላሌ፡ ፈጻልየት ብዝሕት እግል ትርክብ ምኑቱ፡ ወምን ኢተአበዜሕመ ምኑ፡ እት አምዕል እግል ገሌ ደቃይቅ ዳውም እቱ እላመ ትከሬ ምንክ አለብ።

ተርጀመት መሰል

“ሐሳይ ብእስ ሓሳይት ተአጸቤሕ”

ሐሳይ ብእስ ሐሳይት ተአጸቤሕ፡ በህለት ምስል ሐሳይ ለትነብር ላዝም ቱ ህታመ ምዕል ሐቲ እሊ ጠቢዐትሉ ሐሰት ላዝም ትነክስ እተ። ወምስል በዐል አከይ አደብ ለልታሌ፡ ህቱመ እንዴ ኢልትአመሩ ሐቲ ዶል እሊ አደብ እሊ ወርሱ።

ከእለ መሰል ለተሐብሩ ጋር ህለ ምን ገብእ፡ መልሀይነ ክል ዶል እግል ንሕረዩ ብዲብኩ፡ ወለእሉ ንታሌ ወምስሉ ለንትመሳኔ ነፈር፡ እብ አደቡ ወእብለ ገብአቱ በዐል ኬር ወሕሹም ወበዐል አደብ ሰኒ እግል ልግበእ ብዲብኩ፡ ወእለ ለሳረት ተ፡ አደብ መልሀይነ እብ ለህ ልግበእ ወእብ ለህ ክም ለዐሬ እብነ እግል ነኣምር ብዲብኩ፡ ወምን ልውሕድመ መልሀይ ፍላን ቱ ንትበህል።

ናይ 25 እት ሐያትነ ሰኒ ምህማም ለቶም ሰኣላት በሊሰ

□ ዴማት ክሎም ሸሩር፡ አናንዮት በህለት (እቼ ትሒስ አነ ለእቤለ ወአነ ለትሸነህክወ ሌጠ ትግበእ) ትብል ዶል ገበእካቱ።

□ እትለ እዲነ ልዉቅ እግል ትግበእ ለሰዴክ ጋር፡ እግል ብዕደም መንፈዐት ዶል ተህሌ እትካ ሌጠ ቱ።

□ ለአግደ መብቅያይ ላቱ ነፈር እትለ እዲነ ሐሳይ ቱ።
□ ለገሌሰ ህያብ እትለ እዲነ ሳምሖት ቱ።

□ ለሒሰት እትለ እዲነ እግል ትህረብ እተ ለትቀድር አካን፡ ረቢ አልዓለሚን ቱ።

□ ለአግደ እግልክ ምህም ላቶም አንፋር እትለ እዲነ ዐይለትካ ቶም።

□ ለገረመት ሰንዐት እትለ እዲነ ፈተ ቱ።

□ አግደ እትለ እዲነ እግል ለአትፋግዐክ ለቀድር ጋር፡ ሸቅል ቱ።
□ ለዐበ ምስጢር ናይ እለ እዲነ ሞት ቱ።

□ ለሒሰ ወለትወቀለ እሕሳስ ዲብ እለ እዲነ እት ክርሰክ ለትረክበ ሰላም ቱ።

□ ለሒሰው መብልሚን እትለ እዲነ አጀኒት ነኣይሽ ቶም።

□ ለገረመት ምዕል እትለ እዲነ እለ ዮም ቱ።

□ ለቀለ ሐቲ እንዴ ኤለአትዕበክ እግል ትሰርግሉ ለትቀድር ጋር እትለ እዲነ ከለጥ ቱ።

□ ለዐቤት ወለትወቀለት ሰጋደት እትለ እዲነ ፈርህት ቱ።

□ ለዐበ ከለጥ እትለ እዲነ ምንለ እሎም ብክ መባድእ ዶል ትትናዘል ቱ።

□ ለዐበ መትፈላል እትለ እዲነ ሕላሌ ቱ።

□ እትለ እዲነ አግደ አሳሲ ላቱ ጋር፡ ምስል ብዕደም ለህለ እግልክ ተዋሰል ቱ።

□ ለአክ ሕማም እትለ እዲነ መዛጃ (አከይ ጠቢዐት) ቱ።

□ ለአክ እሕሳስ እትለ እዲነ ሓሰድ ቱ።

□ አግደ ምህም ላቱ ጋር እትለ እዲነ ቤት ዶል ተህሌ እግልካቱ።

□ አስክ ስታቲብክ እግል ትንሰአክ ለትቀድር ለሸፍገት ገበይ፡ ዱቅሪ ላቱ ከጥ ቱ።

□ ለሒሰት ሕማየት አውመ ሕጃብ እትለ እዲነ መትፋዋል እብ ኬር ቱ።

□ ለሒሰት ሒለት ወብዝሕት ፈጻልየት ለበ እትለ እዲነ ኤማን ቱ።

□ እግል ሸር እብ ሸር ሐቆ ዋጃህህሁ፡ ለሸር ምዶል ገብእ እግል ለአክትም ቱ።

□ ዕን እብ ዕን ለልብል መብደእ እቱ ተንኩበክ ምን ገብእ፡ እዲነ ክለ ዕውር ትገብእ።

ተበሰም

ጀኔታይ እግል አቡሁ፡ ደብ፡ ደብ፡ አነ እት ሕልም እግርዬ ምስማር እንዴ ረግዘዩ አድማይ እት ልትኬዴ ምንዬ ረኤኮ።

ለአብ ምን ቅያስ ወለዐል ሓርቅ እት እንቱ፡ ሰኒ ገብአክ ተሐት ቅረብ ዲብ። ከእብ እገሩ ሓፊ ለሰክብ በዲርመ እምበል እለ ሚ ኢተአስታህሉ።





2ኛ ክፈል

ነቅፈ፡ ዕላመት ነባሪ ክፈሕ

ዓለመት ንዓል ከፋሕ ሙሰላሕ ሸዑብ ኤረትሮፕ ላታ ነቅፈ፡ አስክ ወርሕ 9 ናይ ሰነት 1976 ለዲሴ ወቅት ለሀይ ዲብ ሐንቲ አቅሊም ሳሕል ለዐለ መዳይን ቅሮራ ወአፍዐበት፡ ክምሰል መርከዝ እዳረት ወዳጽት ዲሽ እስትዕማር እት ሳሕል ዐለት። ዲበ ሻፍፍ ለዐለ ዲሽ ዐዶ እበ ምን ወቅት ዲብ ወቅት ዲብ ለዐቤ ወልጠወር ገይሰ ለዐለ ቅዋት አሸዕቢያ ተሕሪር ኤረትሮፕ እበ ሱዳን ለዐለ ከርዶን ወሀጃማት፡ እብ ሕልቅሙ እንዴ ትጸበጠ ለዐሎብዋ እቲ ለዐለ ወክድ ሸክጌ፡ ምሕርበት ቅዋት አሸዕቢያ ሐሬ ዲሽ ሸዕቢ እግል ስስ ወርሕ እግል ዲብ ነቅፈ ሻፍፍ ለዐለ ዲሽ እስትዕማር ዲብ ከሌብ እንዴ ኣተ፡ ፈርግ ወሌለ እበ ከልእ ህጃማት ዐዳወነዩ፡ ሐቆ ክቡድ ናይ ሞት ወቅታል ሕጻባት ህዩ ዲብ ዮም 23 ወርሕ 3 ሰነት 1977 አክል ሕድ ክእነ ማሌ ለሀ፡ ቀደም 30 ሰነት ነቅፈ ሐቲ ዶል ወእግል ዲመ ተሐረረት።

ተሕሪር ነቅፈ ሳኪን እት ክለ ኤረትሮፕ ለዐ ወአስሐበዘ፡ ተሕሪር ነቅፈ ተሕሪር መብዝሐ መዳይን ኤረትሮፕ ወልደ። መሰለን ክልኤ ሳምን እትለ ኢተምም ወክድ ዲሽ ሸዕቢ ተሕሪር ኤረትሮፕ እግል ሳልሳይት ታርፈት ለዐለት መዳነት አፍዐበት ሐረረ። እሊ እት ዮም 6 ወርሕ 4 ሰነት 1977 ቱ ለዐለ። እብሊ ህዩ ሳሕል ክለ ተሐረረት ቅሮራ ወነቅፈ ወሳልሰን አፍዐበት።

ነቅፈ ሐቆ እንሰሓብ እስራተጂ፡ አይወ ሐቆ እንሰሓብ ምን መዳይንመ ነቅፈ ሸፍራ ዲሽ ዐዶ ይአተዩ። ለሰሙድ ኤርትሮፕ ምሕርበት ለአክደ ዳቅብ-ሓይል ልትበህል ለዐለ ዲሽ ዐዶ እግል ሐቲ ምዕልመ ነቅፈ እብ ዕንቱ ኢረአዩ። መብዝሐ ዲሽ ዐዶ ዲብ ጀበህት ነቅፈ ትጀለፈ። አይወ ሰውረት ኤረትሮፕ ለቅያሰ ለአለቡ ሰዳይት እተሓድ ሶፊት ለዐለት እሊ ዲሽ እስትዕማር፡ ዲበ ልዋዕም እዋን ወአካን ጀላብ እግል ተአክምዱ ዲብ ሰነት 1979 ዲብ ድዋራት ነቅፈ ሰሐቡቲ። እብሊ ህዩ ለእግል መደት ዐሰር ሰነት እሻረት ሰሙድ ለዐለ ሰዋትር ነቅፈ እትሊ ወቅት እሊ ተአሰሰ። ዲሽ ሸዕቢ ዲብ ግርበት ሰነት 1979 እት ረአሰ ዐዶ ህጃም ምዳድ እንዴ ሀረሰ አስክ ቅምቤት አፍዐበት ጌለለዩ።



ገሌ ምን እብ ደም ወለህበት ምሕርበት እት ድዋራት ነቅፈ ለትበን ሰዋትር ሰሙድ፡ ምን ድገለብ አስክ ድማን እብ ክእነ ልትአመሮ፡ ደብዐት፡ መንደዐት፡ ሐለሹቶ፡ ደብር እመን፡ እንደ ቡምቤ አብር፡ ምሕናቅ፡ እብ ሐብል ዲብ ተሀንጦዋል ልትአቲ ለዐለ አሰ ለዐለ ሰዋትር ሲፓርታኩሱ፡ ለኩፍ ቀናብል እዴ እብ እዴ ገብእ እቲ ለዐለ፡ ናይ አምታር ሪም ለዐለ እሊ ሹሊቦል፡ ትክሴ፡ አርወ፡ ኩባንያ፡ እንደዱባሌ፡ መርከብና፡ ፍዴል ፔ፡ ተበት ሰላም፡ ግሎብ፡ ሪጎሌ፡ ዋንጫ፡ ደንደን፡ ፈርኔሎ፡ ሰዋራ፡ ቲስታ፡ ሰምበል፡ አፍንጨ፡ አስክለ ውቁል ረወራት ሮራ ሐባብ ለልትመደድ ወምሰል ጀብህት ሐልሐል ለትበጽሕ ጀብህት ሰሙድ፡ እት ታሪክ ንዓል ሸዑብ ኤረትሮፕ ኣነነ ዐባይተ። ለበዝሐ ዲሽ ዐዶ ለትጀለፈ ዲበ ወለበዝሐው ፍራስ ምሕርበት ለአስተሸህደው ዲበ ጀብህት ዐለት፡ ጀብህት ነቅፈ። እብሊቲ ህዩ ነቅፈ እም ሰሙድ ወእሻረት ሰሙድ ለትበህለት።

አይወ፡ እሊ እት ሐንቲ ምድር እብ ደም ወለህበት ምሕርበት ንዱቅ ለዐለ ድፍዓት ሰሙድ፡ ዲበ



መድረሰት ሹህደ ነቅፈ

እብ ተምሳል አቅሕመ ወሐርማዝ ለልትወሰፍ በአሴ፡ ሀለዮት ሰውረት ኤረትሮፕ አክደው። ምን ሳልሳይ ወራር ወሐር ወለድቁብ ሳድሰ ወራር ወግራሁ ለተለ ወራራት ለአፍሸለው ድፍዓት ነቅፈ፡ እግል እም ወእሻረት ሰሙድ ላታ ነቅፈ ክምሰል ከሌብ አሰመ ወያሲን እንዴ ትክለለዋ ቶም፡ እግል መደት 10 ሰነት ምን አባይ ለአድሐነው። አይወ ለዲብ እሊ ሰዋትር እሊ ለገብእ ሰሙድ ወንዳልቱ እለ ዮም ለዘተ ነአዳውር ለህሌን ሕርየት፡ ሰላም ወመስከብት ለወልደ። እብ



ነቅፈ ግሌ ወዮም

ፈድል ሰሙድ ምሕርበት ወእብ ፈድል ቃሊ እስትሸሃድ ፍራሴ ነቅፈ ሐቲ ዶል ክምሰል ተሐረረት እግል ዲማ እብ ዲሽ ዐዶ ኢትጸበጠት። ዲብ መግዋረ እንዴ ሐጠጠት ህዩ ሕርየት ወልደት።

ሰነት 1977 እብ ብሸራት ተሕሪር ቅሮረ ለትበገሰ ተሕሪር መዳይን አንበተት፡ ደነግብ 1978 ሳኪን ስትራተጅያይ እንሰሓብ ተለ። ነቅፈ ህዩ እብ ሐዲስ አርድ ሐርብ

ነቅፈ

ነቅፈ ሐቲ ምና ለበዝሓ ሕላይ ለተሐለ እለን መዳይን ኤረትሮፕ ተ። እት መደት ንዓል እግል ተሕሪራ፡ እግል ሰሙዳ፡ እግል ሐጣጠታ፡ እግል መካሪታ፡ ወብዕድ እብ ለትፈናታ ሀገጊ ኤረትሮፕ ተሐለ ወትሰናቃ እግሉ። እሊ ህዩ ነቅፈ ምስለ ሐልፈት እቡ መሰር ሰሙድ ልውሕድ ዲበ ዲኢኮን ኢበዝሕ ዲበ። ምናተ ነቅፈ እሊ ዲብ ወክድ ንዓል ወተሕሪር ለተሐለ እግል ሐልየት ሰልፍ ሕላየ ኢኮን ለዐለ፡ ቀደመማ ዲብ ዘመን ቅዱም ቀደም 100 ሰነት ብዙሕ ሐልየት ልትሐሌ እግል ዐለ፡ መሰለን እለ ዲበ ዲብ ሰነት 1913 ለትጠበዐ ክታብ ሐይለት ትግረይት ለረከብናህ ሕላየት እያሱ ወድ ህብቱስ ነቅፈ ዲብ ለሐምድ ክእነ ቤሉ፡

- ነቅፈ ምድር አብዕብዬታ - ሐሰት ኢኮን ወበራ
- ቅዱይ ትንፍሳታ - ዘባድ ጼኔ ወልወለ
- በዐለ ንጽፍ ኢሐዜ - ዒዶ መሰል ከደራ
- በዐለ ነብራ ኢሐዜ - እክል ወሐሊብ ፋጨለ
- ጩወቱ እት ናውድታ - ድግደግ ለመስከብ ዐሸራ
- ኢታፍእ ዐቡድ እት እክድታ - እብ መን ባይት አድረራ
- በዲርማ የዕቀብ ወድገርጌሰ - መጋቡ ዲበ ትሰበራ
- ሰመራልዑል ከንቱባይ - ነጋጊሩ ዳፊና
- ገበይ ሰረዋ ወዐንደፍ - አግቡይ ለአዜ ትቀፈራ።

እምበል እሊመ ምን ዲብ ሰነት 1913 ለትከተብ ክታብ ሐይለት ትግረይት እያሱ ወድ ህብቱሴ፡ እግል እግል አብእስተን ሐወን ወአበወን እት ሸፍ ለትቀተለው አንስ እግል ለአደፋፍእ ለሐለያ ሕላየት ክእነ ትብል፡


- እምበልኪማ ወፋጥና - አንስ ክሉቱ መንበለ
- ክሉ ግሰት ይዓራ - ወክሉ ተነት ኢሰሐና
- ምን እንዴ ወኪን - አርእስ ሐዱቱ ትገደለ
- ወለረአስ ጌሳቱ - ወለጽፍራ ደገና
- አምና ሐቆ አቡኪ - ትሰሐቃ ሚቡ ወደአለ
- ምን ሞታ አብዕብኪ - ዮም ላሊ አክረራ
- ዐሚካሊቱ አቡኪ - ወእንቲ ወለት ደፈራ
- ዐሚካሊ እብ ገብእ - አቡኪማ ኢደሐና
- ዐድና ግልብዝ ሐርማዙታ - እበ ለሸየም ትቃተለ
- ዐድ ለፋላት ኢለዐድም - ዋሳ ወለደንገራ

- ትበአሳ ሕመድ ወድ ጀሚልቱ - እት ቀበታ ትወገራ
- በዐል ጆር ወድ በዐል ጆርቱ - ለእለ ቤለ አሸበራ
- ትበአስ ኤሎሰ ወድ ድራርቱ - ዓያ ለአልባብ ሳጠረ
- እግል ለኦሮት ቀትላቱ - ወእግል ለኦሮት ሓከራ
- ጽገም ሰኒ እሊቱ - እትለ ዛምተት ትካፈለ
- ልቡ ለፈረሰ ይአባ - እብ ትላበዳ ወትጸሐለ
- ወልቡ ለመንዱቅ ይአባ - ባሮት ለሕፋን ሰረራ
- ወልቡ ለአዳም ይአበ - ለደገል ደገል ጸቅለለ
- ዋርፍ ሐረምዝቱ - ደራብም ከጠሐራ

- ምን ሸንጌራ ምን ቀንጸ - ዲብ አፍዐበድ አትሰአለ
- እብ ሚ ለማይት ኢቀብራ - ወእብ ሚ ለታርፍ ይአደአለ
- ወድ አብ ሳዋር መንባህ - ደብር ደንደን ትሸፈሉ።



ድፍዓት ነቅፈ



ዱር ርዋንዳ እግር ኳስ ስፔሻል ጥቅም

ፈሪቅ ብድረ ዐጃላት ኤረትሮፕ ሻርክ ዲቡ ለአስመን ዱር ርዋንዳ ሰነት 2025፣ ለሐላፊነት ሰንበት ዐባይ ተመ።

እሊ ዱር፣ እት 3ይት መርሐለቱ ነፈር ሕሩይ ፈሪቅ ኤረትሮፕ ናሆም ዘርዳይ ክም ተዐወተ ዲቡ ተአመረ። ወድ ፈረንሳ መትባድራይ ፈሪቅ ተቃል ኤንሮጂስ -ፋብያን ዶብይ፣ እግል መሬሕ ለዐለ ወድ ዐዱ ወፈሪቁ ላቱ ጆሪስ ዳልቦቪ ሰበት አጅገረ ወፍሌንዮት ቤጪ ነዝዐ ምኑ፣ እት ጅግራላ ፍሌንዮት ህርዲ ናይ ተርቲብ መትባዳል ጀረ።

እት ሓምሳይት መርሐለት ናይ ፍሌንዮት ህርዲ 12 ካልኢት እንዴ ደንገረ 5ይ ርቱብ ለዐለ ዕዉር ሰልፋይት መርሐለት ሄኖክ ምሉእብርሃን ህይ፣ እት 6ይት መርሐለት 3ይ እንዴ አተ፣ እት ፍሌንዮት ለዐለ እሉ ጅግረ ዲብ ሰስ ካልኢት እንዴ አንቀሰዩ፣ እት 2ይት ደረጃት ዓርግ እት እንቱ እትለ መርሐለት ካቲመ አተ።

እት ዲብ መዲነት ኪጋሊ ለገብአት ናይ 7ይት መርሐለት 74 ኪሎምትር ዲቡ እት ፍንጌ ሄኖክ ወፋብያን ወእሎም እግል ለዐውት ለሸቁ ፍረቆም ተቃል ኤንሮጂስ ወሕሩይ ፈሪቅ ኤረትሮፕ ድንኪክ ድቅብ ወዐቂብ ሕድ እግል ለሀሌ ሰኡይ ዐለ።

ዱር ርዋንዳ፣ እት ሰነት 2019 ዲብ 2.1 ምቅያስ ዩሲኦይ ምን ልትወቀል ወእንሰር፣ እት ናይ ካቲመ መርሐለት ፍሌንዮት ቤጪ

ለአተ ወለትነዘዐት ምኑ ይዐለ። እትለ ናይ ሰንበት-ዐባይ መርሐለት ካቲመ ላኪን ፋብያን፣ እብ ሄኖክ ልግበእ መብዕዳም መትጃግረት ለፍሌንዮት ምን ትትነዘዐ ምኑ ላቱ፣ ሐዲስ ረቅም ቅያሲ እንዴ ገላ ወትሰጀለ ዐለ።

እት ፍሌንዮት ሐየት ሲጋደት እብ ፍረቅ እት ለገብአ ጅግረ ላኪን፣ ለፈርግ ፋይሕ ሰበት ዐለ፣ ወድ ርዋንዳ መትባድራይ ፈሪቅ ጃቫ-ሺሙ ሴንግዩምቫን እግል ፍሌንዮት ህርመ ሰጋደት፣ እግል ኤረትሮፕ እብ 3ደቂቀት ወ11 ካልኢት ሓልፈ ለዐለ ናዲ ባይክ ኤይድ ህይ እብ ፈሪቅ ክም ተዐወተው፣ 90 ምእታይት እኩድ ዐለ።

እት ፍሌንዮት ሸባብ ህይ፣ እት ፍንጌ ሚርሓይ ሚላን ዶኔ ወደርቡ ለዐለ ወድ ሰፕይን አድርያ ፔሪካስ ናይ 13 ካልኢት ፈርግ ሌጠ ሰበት ዐለ፣ ገሌ ፈርግ እግል ልምእእ ወትልህያመ እግል ትዋዕም ለዐለ መስኢት ብዞሕ ቱ።

እሊ ኩሉ አብዮት ወተሕሊላት እት ብእቱ ለትበገስ ጅግረ ላኪን፣ እበ ለኢልትሰኤ ምኑ አሰባብ ክም አትካረመ መምቅረሐቱ ሐበረው። እት እንቡተትለ ጅግረ እብ ሰበብ አልብዐት፣ ወምን ገጽ ሐር ህይ እብ ሰበብ ዘላይም ትሩድ ወአበርቁ ለአክራይት መርሐለት እግል ትትሸጠብ ቀረረው።

“ዲበ ሰስ ሰልፋያት መራሕል እብ ወቅት መሬሕ ለዐለ መትጃግራይ ህይ፣ እትሊ ዱር

ዕዉት ሀለ!” ዲብ ልብሎ እት ለዐልኖ፣ ሐቱ ዱረት ታርፈ ለዐለ መርሐለት ካቲመ ዱር ርዋንዳ ክም ትትበለሽ ወደው።

እሊ ለአትክሕድ ለሀለ ቀራር ክልኦት ሽዑር ሁሩስ ሀለ። እግል ገሌ ዲብ ለአፈፊሕ፣ እግል ብዕድ ህይ ለልኦግሄ። ሄኖክ እት ፍሌንዮት ህርዲ እግል ለዐውት መሀሮቱ ሳድድ ለዐለ ወጠንያይ ፈሪቅ ዐጀላትን እግሁኖም ሀለ። እግል ፋብያን ዶብይ ላኪን እብ ብሩዱ እምበል መትጃግራይ ወፈሪቅ ተቃል ኤንሮጂስመ ለአፍረሐ ቀራር! ለዐውቱ እምበል ድንኪክ ፍረቅ ብዕድ ሰበት ረክበው፣ ረህየት ትሰመዐቶም።

ወድ 31 ሰነት ፋብያን ዶብይ፣ እት ዱር ርዋንዳ እግል ሰልፍ ኢነቱ ቱ ልትዐወት ለሀለ። እት ሰነት 2023 ዕዉት እሊ ጅግረ ወአዜ ሐቆ ሐል ቃብሉ ለዐለ ሄኖክ፣ እትሊ ዱር ርዋንዳ ሰነት ዮም ዓመት እግል ልትዐወት መስኢት ብዞሕ ዐለ።

እሊ ናይ ደንገበ መታክል ዝላም እትለ መርሐለት ካቲመ ዱር ርዋንዳ ምን ኢሳድፍ ህይ፣ ሄኖክ እሊ ጅግረ እቱ እንዴ ተዐወተ፣ እግል ኤርትራ ናትናኤል ተሰፋጹን ቀደም እሊ ለረክበዩ ዐውቱ እግል ልትዐርፊ በክት ዐለ እሉ።

ላኪን ሄኖክ ምን እሊ ጅግረ እብ እዳሁ ብራቀ ቃብል ይሀለ። ለሐሰ አፍሪቂ መትባድራይ ዐጀላት ተህየቡ፣ ነፈር ናዲ ባይክ



ሄኖክ ምስል ዕዉታም ክልኦት ከዋጀ ዲብ ዱር ርዋንዳ 2025

ኤይድ እርትሪ ዩኤል ሀብተአብ ህይ፣ ለሐሰ መትባድራይ ዐጀላት ሻብ አፍሪቂ ነሰኦ።

ደዓም እትሊ ዱር ዕዉት ለዐለ ፈሪቅ ዐጀላት ኤረትሮፕ ላኪን ሕሸመቱ ይዐቅቡ፣ ለውላድ ኤረትሮፕ ዳዊት ዮሜ ወዩኤል ሀብተአብ ለብእቱ ናዲ ባይክ ኤይድ እትሊ ጅግረ ተዐወተ።

እት ሰነት 2019፣ ምን 2.2 ዲብ 2.1 ለትወቀለ ዱር ርዋንዳ፣ ለዐበ ጅግረ ዐጀላት አፍሪቃ ቱ። ለልትላነት ናይ 2.1 ምቅያስ ዩሲኦይ ለዐለ እሉ ዱር ጋቦን (ላ ትርፒካሌ አሚሳ ቦንጎ) እብ ለትፈናተ አስበቡ ምን ሰነት

2023 ጅግራሁ ምን ባክር ሀለ።

እሊ ክእነ ዲብ እንቱ፣ ሻምፕዮን ብድረ ዐጀላት ዐለም ሰነት 2025 እግል ትትሐደር እት መዳሊት ለህሌት ርዋንዳ፣ እትለ መርሐለት ካቲመ እበ ነሰኦቱ መትጃግረት ለአግሀ ቀራር፣ ምስል “ርዋንዳ ምስል ግዋሬህ ኮንጎ እት ለሀለ ተየልል ደማነት አለበ” ለልብል ሸኩክ እንዴ ሰደ ዲቡ፣ እግል ኢለአፍሽለ ልትፈረህ።

ርዋንዳ እድንያይ ጅግራታት ዐጀላት እት ወሬሕ ሰብተምበር 2025 እግል ትትሐደር ትዳሌ ለህሌት ሰልፋይት አፍሪቃይት ዐድ ቱ።

ፍረቅ ሱፐር ዲቪዝዮን አቅሊም ምግብ፣ 2ይት ደውረቱ ለአነብት

ፍረቅ በሐር ቀየሕ ወአዱሊስ ንቀጥ ለትካፈ



2ይት ደውረት ሀረሚት ሱፐር ዲቪዝዮን “ኤ” ኮበሪት እግር አቅሊም ምግብ፣ ለሐላፊነት ሰንበት ዐባይ እት ስታድዩም አስመረ ትከሰተት።

እሰልፍ እብ 15 ንቅጠት እት 3ይ ደረጃት ለሀለ ፈሪቅ አልተሕረር፣ ምስል እብ 11 ንቅጠት ዲብ ሳድሰ ተርቲብ ለሀለ ፈሪቅ ማይ-ተመናይ ተልህ። ማይ ተመናይ ዲብ 22 ደቂቀት ናትናኤል ዐንዶም እበ አተዩ ጎል ሚርሒት እት ጸብጥ፣ አልተሕሪ ዲብ ቀበት ክልኤ ደቂቀት እብ መሐመድ አንዋር ዐ’ረ እቦም

-ተዓደለ።

አልተሕረር፣ መተልህያይ ማይ-ተመናይ ሰናይ በረኽት እት ሸግዒት ፈሪቁ እበ አተዩ ጎል 2-1 እንዴ መርሐ እግል ዕርፍ ፈግረ። እት 90 ደቂቀት ምን ትልህዩ 2ይ ሾት ብርሃኔ ተሰፋሚካኤል ጎል እንዴ ወሰከ ህይ፣ አልተሕረር እብ ፋይሕ 3-1 እንዴ ቀልበ ንቅጡ ዲብ 18 ውቁሉ ሀለ።

ምን ሴዕ ትልዩ እብ ተማመን 27 ንቅጠት ለአክሊለ ወእንዴ ኢልትቀለብ ለአሴርር ለሀለ ናዲ ደንደን፣ ምስል እት ደንገረት እሊ ጅግረ ለሀለ ፈሪቅ ፓራዲዞ ተልህ።

ወእብሊ ደንደን፣ እብ እዳ ለዓሊት ሴም ተክኤ፣ ስምኦን ሀብቱ (ቀደም ዕርፍ)፣ ወሐቆ ዕርፍመ ቢንያም ግርማይ እበ አተዩም እሉ ክልኦት ጎል እብ ርሒብ 4-0 ቀልበ ከፈግረ።

ፍረቅ በሐር ቀየሕ ወአዱሊስ እት 3ይት ትልህዩ ትዋጀህው። በሐር ቀየሕ እት ሰልፋይት ደውረት እብ 22 ንቅጠት 2ይ ተርቲብ እቡ ዲብ ለአተምም፣ ናዲ አዱሊስ እብ 11 ንቅጠት፣ 7ይ ተርቲብ እትመም ዐለ።

ቀደም ዕርፍ ጎል ለኢትረኦ ዲበ ትልህዩ፣ በሐር ቀየሕ ሐቆ ዕርፍ በደለ ለአተ መሃጅም መተልህያዮም ስምኦን አስመላሽ እት 70 ደቂቀት ጎል ዐውቱሁ እንዴ አተ፣ ሚርሒት ተአልበጠ። እት ወሰክ ደቃይቅ ትልህዩ ላኪን ምን አዱሊስ ዓድል መሐመድ ሸዑር በሐር ቀየሕ ለሰብረ ጎል ቁትላይ ሰበት ሰጀሉ፣ ትልህዩ 1-1 ተዓደለው ዲቡ፣ እሊ ፍገሪት ህይ ደንደን ለትአረቤሕ ገኦት። በሐር ቀየሕ ምን ደንደን እብ ሰቦ ንቅጠት እግል ልትደሀር ጀቡር ሀለ።

እምበል እሊመ ጅግራታት

ኮበሪት እግር ሻምፕዮን አዋልድ አቅሊም ምግብ፣ ሰንበት ንኢሽ ጋብእ ዐለ።ፈሪቅ ዕዳገ-ሐሙስ እብ አሚን ሐድገምበስ ወፈሩዝ ገብሬሂውት ክልኦት ጎል እንዴ አተዩ፣2-1 እግል ሰምበል ሳርሐየ። ለዩቲም ጎል ፈሪቅ ሰምበል፣ ርዘና

ዘርእዝጊ አቱቱ።

እምበል እሊመ፣ ፈሪቅ ጎዳይፍ ምርያም ምሉጌታ እበ አቱቱ እለን ጎል እግል ቅዋት ጀው 1-0 እት ቀልባህ፣ ሸርክት በእ ሰገን ህይ፣ ፍዮና ገርጊስ እበ ረክቡቱ እለን ጎል እግል ገጀረት 1-0 ሳርሐያህ።

ላሊ ጋ ዲብ 26ይት ሳምንቱ

ለድቁብ ፍረቅ ዱለት ሰፕይን እት ሐልፈ ሰነብትመ ትልህያታቱ ዋዲ ዐለ። እሊ ተሌ ህይ ፍገሪትለ ፍረቅ ቱ። ርያል ቤቲስ እግል ርያል ማድሪድ 1-0፣ አትሌቲኮ ማድሪድ እግል ናዲ አትሌቲኮ 1-0፣ ሌጋንስ እግል ጌታፌ 1-0፣ በርሳሎና እግል ርያል ሶሲዳድ 4-0 ዲብ ቀሉቦም፣ ማሎርካ ወአልሸለ 1-1፣ አሳሱን ወሻሌንሸዩ 3-3፣ ራዮ-ቫሌካኖ ወሴቪሊ 1-1፣ ቫላዶሊድ ወፓልማስ 1-1፣ ክምስልሁመ ጂሮን ወሴልታሺጎ 2-2 ትፈናተው። ለሰልፋያም አርበዕ ፈሪቅ ህይ ክእነ ተሌ ንቀጥ ሀለ እሉም።



1,በርሳሎና	57 ንቅጠት
2,አትሌቲኮ-ማድሪድ	56 ንቅጠት
3,ርያል-ማድሪድ	54 ንቅጠት
4,ናዲ አትሌቲኮ	48 ንቅጠት

ከት ሾሻል ሚዲያ (socialmedia) ዘያድ 100 ሚክሮን ምትቅብከት ከረከበት ሺድዮ ወደ 1 ሰነት ዛቱ ሞጪክ

እት ሾሻል ሚዲያ (social media) ለትነሽረት ሺድዮ ወደ 1 ሰነት ላቱ ሊያም ፍረደሪክ ልትብሀል ጀኔታይ፡ እብ እት ዕንታቱ ዋዲህ ለዐለ ነዛረት ወሀተ ለከልቀቱ እሉ ፈራሕ ወሰሩር እግል ብዝሓም መተቅብለት ክም አፍረሐ እት ከምሰልሁመ ክም አትፈክረዮም ትሽረሐ፡፡ ወእብሊ ህዩ እት ሓጺር ወቅት ዝያድ 100 መተቅብለት ክም ታብዐዋ ወደሐው፡፡



እት ልትዐጀብ ወእብ እት ጀፈሩ ለዐለ ሓጀት እት ልትፈክር ዶል ልትርኤ፡ ልብ ለተምትም ሽዑር ቱ እት ልብሎ ሽርሐ፡፡

መውዶል እሊ እት ሽፊሕ እሊ ሺድዮ እሊ እግል ብዝሓም እብ ክሰሱ ዓፍየት ዕንታት አጀኒት እግል ለአንተብሆ ወወቅት እንዴ ኢነሰኦ አሰክ ዕያደት እግል ልጊሶ እቦም ክም ወጅብ ድራሰት ለትህይብ ክም ተ ትሽርሐ፡፡

ዋልደይቱ እብ ክሰሱ ጀናህ እት ሀበተ ሓብሬ፡ ወልደ ድዕፍ ናይ ዕንታት ክም ዐለ እግሉ ወመሻክሉ ሓቆ ፈህመት አሰክ ሓኪም ክም ክሰኡ፡፡ ወለሓኪም ነዛረት ክም ቀረራ እሉ ተአፍህም፡፡ ለዋፍል ለነዛረት ዶል ለብሰ እግል ልርኤ ክም ቀድረ ወእብሊ ህዩ ለዋፍል እብ ሽዑር ፈርሐት እት ልትሰሐቅ ወእብ ምሰሉ ለዐለው አንፋር

አጀኒት ወኪድ ክም ሽቅጪ ከትትነፋሶ ሽቡ ሽሊት



ወለት ኮሎምቢያ ላተ አሰይደ ማርተ እት መዲነት ሚደሊን ትነብር፡፡ ማርታ ምን ለትፈናተው ሰብ 20 ውላድ ቡ፡ እሊ ወለት 40 ሰነት ለትገብእ እሊት አሰክ ዕምርዬ ምን ውላድ በዋር ልሳዕ እግል እውለድቱ ትብል፡፡ ማርተ ወሊድ ጅነ ክም ሽቅል ክም ትትነፋሶ እቡ ልትሽረሐ፡፡



ምነ ሕክመትለ ዐድ ናይ ኮሎም ለአጀኒት

ሰደይት ግርሽ ለህዩቡ፡ እት ከምሰልሁመ እት ደዋይሐ ለትትረከብ ከኒሰትመ ሰድይት ክም ወዱ እሊ ትሽርሐ፡፡

እብሊ ለእሉ ለህዩብ ሓዳይ መሳዕደት እንዴ ትቀሽሽት ወሊድ እተይ ለልትረከብ ምኑ ሽቅል ዋድዩቱ ህሌት፡ ዐጃይብ ቱ! ምናተ እት ደዋይሐ ለነብሮ አንፋር እሊ ለልትህዩብ መሳዕደት ምሰለ ብዝሐሉ ዐኢለተ ዶል ልትርኤ ካፊ ኢኮን ልብሎ፡፡

ከክፍላዊ ልብዐት ልብዐት

- * ሓንበሬ እምበል ረአሰ እግል 9 አምዕል እንዴ ኢመይት እግል ልጽነሕ ቀድር፡፡
- * ዘራፍ እዘነ እብ ንሳለ ተአነድፋ፡፡
- * ዐንጻይ (ወለትብት) ምን ገመል ወልዐል እምበል ማይ እግል ረዩም ወቅት እግል ትጽነሕ ትቀድር፡፡
- * ሰገን ዕንታት ምን ረአሰ ለዐቡ፡፡
- * ክልብ እት ሓርያይ እገሩ 4 አጫቤዕ ወእት ቀዳምያይ እገሩ ህዩ ሓምስ አጫቤዕ ቡ፡፡
- * ዶልፊን ማይ ኢሰቱ፡ ማይ ሓቆ ሰተ እግል ልሕመም አውመ እግል ሊሙት ቀድር፡፡ ሰበት እሊ ማይ ምነ እሉ በሌዕ ነበሪት ረክብ፡፡

ኼ ምን መንፈሳዊ ቅሬታ

1. መንገዱት ዕልም ከሰት፡ አክትብት ከዛናት ዓባዩ ናይ አምር ቶም፡፡ እብ ገበይ አክትብት አሰክ ቅሪን አምር ተእሪክ፡ ዕሉም፡ ፈልሰፈት ውብዕድ ብሐሳት እግል ቲቱቅ ትቀድር፡፡ እብ ገበይ አክትብት አሰክ ለትፈናተው አውቃት ወአክናት እግል ንሳፍር እንቃድር፡፡
2. ከሊማት ሓዲሰ ትአምር፡ ትሉሉይ ቅራኣት በክት ርሒብ አምር ከሊማት ሓዲሰ ልሀይብ፡ ናይ መፋህመት መቅደረት ልአጠውር፡፡ እብ ቀሊሉ አፍካር ብዕዳም ትፍህም ወአፍካርክ እግል ትጠውር ሰዴክ፡፡
3. ዛክረት ትአደቅብ፡ ሓንገልነ ክል ዶል እት ሽቅል ክምሰል ለሀሌ ወፈዝዕ እግል ልግባእ ሰዴ፡፡ ረአይ ብዕዳም አንፋር እግል ትአምር ውብዕድ ምን ናይክ ለልትፈንቱ ርአይ ትትከበት፡፡ ቅራኣት ለሐልፈት ወሐድረት ሓለት እግል ንፍህም ነፍዐክ፡፡
4. ሀመት ትአነቅሱ፡ ክታብ ሰኒ ለናሰበካ እንዴ ትናዋልክ ሓቆ ትቀርእ ህሊክ፡ ምን ለኢለአትሐዜ ህመም ወሸቀላት እግል ትትነጃ ትቀድር፡፡
5. ራትዐት ገብይ ክታብት፡ ናይ ክታብት ገበይ ወመቅደረት ልአደቅብ፡ አፍካርክ ወረአይክ እንዴ ነዘምክ ልእከት በርሀት እግል ትሐልፍ ሰዕዳክ፡፡
6. ሰኒ ሰክብ፡ ቀደም ስክበትክ እግል መደት ሓጫር ሓቆ ትቀርእ፡ ነፍሰክ ትህድእ ወትትረዩሕ ወሰኒ ትሰክብ፡፡

ኼ ምን ክምሰክቱ ትግረይቱ

1. ግርመት አርድ ዝላም ወግርመት አዳም አደብ፡፡
2. “ልብዬ ሀዱድ አበ” ትቤ በልዲት ዘርኡ፡፡
3. ህግዩ ግረ ዝኩብ ኢተአቀልል፡ ወአክይ-ፍርድ ምዕጥን ኢለዐጠልል፡፡
4. ህግዩ ጎር ጆር ወህግዩ ጸመር ሀሮር፡፡
5. ሉሽት ጸርክ ወትንእሽ እትኩቱ ወትዐቤ፡፡
6. ፈዳብ ጋሩ ፈግሩ፡ እት በዴት ሚ ጋሩ፡፡

ዴግት፡ ለትፈናተ ክቱብ እሰታዝ የቀብ ዕመር

7 ፍንቲት ርክብ

